

LEFASE LE A ŠWALALANA



. . . dumela feela,
Dilo tšohle di a kgonega, dumela feela;
Dumela feela, dumela feela,
Dilo tšohle di a kgonega, dumela feela.

A re inamišeng dihlogo tša rena bakeng sa lentšu la thapelo.

² Tate wa rena wa Legodimong, re gape, bošegong bjo, go hlagiša go Wena, Ramaatlakamoka yo Mogolo, re leboga bjang go kgobokana fa mmogo, re phela le go kgona go Go rapela, bošegong bjo. Gomme re tlide mmogo bakeng sa morero woo, go dula mmogo ka mafelong a Magodimong, bjalo ka banešu le dikgaetšedi, badudi ba Mmušo wa Modimo, ba letetše go tla ga Moya wo Mokgethwa godimo ga rena, gore A ke a utolle go rena se re swanetšego go se dira, lenaneo la bophelo bja rena. Re nyaka go sepela go ya ka thato ya Gagwe.

³ Gomme re a rapela, Morena, gore O tla thoma go tloga motheong le go no re hlwekiša, Morena, le go re dira dibopiwa tše mpsha, gore re ke re be maswanedi bakeng sa tirelo ya Gago. Go tsebeng se ga se kgonagale ka go felela go rena, Tate; ka gore re ka se kgone go itlhwekiša ka borena go feta lepogo le ka kgona go latswa go hlwekiša dipatso tša gagwe, o no e phadimiša ka go leka go dira matsapa a gagwe mong. Eupša, “Go na le Mothopo o tladišwe ka Madi, a ntšitšwe go tšwa ditšikeng tša Imanuele.” Seo ke se se hlwekišago dipatso tša lepogo. Ke rapela Wena, Tate wa Magodimong, go fa, bošegong bjo, gore yo mongwe le yo mongwe wa rena a kgone go phonkgela ka tlase ga Kua, go tlogeleng dipelaelo tšohle tša rena morago, dipelaelo tšohle tša lerato la Modimo le tshepišo bakeng sa rena ka go diiri tše. Re e kgopela ka Leina la Jesu. Amene.

⁴ A re opeleng ye ge re dula fase. Go na le gore re re, “Dumela feela,” a re nong go emiša diatla tša rena gomme re opele, “Bjale ke a dumela.” Ya, yo mongwe le yo mongwe bjale.

Bjale ke a dumela, bjale ke a dumela,
Dilo tšohle di a kgonega, bjale ke a dumela;
Bjale ke a dumela, bjale ke a dumela,
Dilo tšohle di a kgonega, bjale ke a dumela.

⁵ Morena a le šegofatše, ge le sa dula. Oo, e kwagala e le ya maleba. Ka morago ga go botšiša Modimo, ka gona Mmotše, “Bjale ke a dumela,” ka morago ga go Mmotšiša.

⁶ Le e bile letšatši le le thata ka nnete go nna. Go na le dilo tše dintši kudu go di dira, gomme mohlomongwe dipotšišonyakišišo tše masomešupa tlhano di letile, gomme o no se kgone go fihla go bona bohole, ke phetho. Go no se kgonagale ka go felela. Gomme

ke bile le dipitšo tše nne, lehono, go fofela ka ntle ga toropo; e tee go ya Beaumont, Texas; le e tee go ya Houston; le e tee go ya Campbellsville, Kentucky; le yo e tee go ya Little Rock, Arkansas, tšhoganetšo ya balwetši. Gomme feela pele ke tloga, fao go tlie pitšo go nna go fofa go tloga mo, Lamorena bošego, ka pela ge tirelo e fedile, go ba tsela felotsoko kgauswi le Lebopo la Bodikela, go rera poloko. Gomme o no se kgone go fihla go bohle. Gomme seo e no ba se se tlago ka mo, bona ba ba tsebago gore re mo; go reng ka gae, ka ofising, le a bona? Gomme bona ke batho bao e lego batho ba bakaone. Gomme ke bona Bakriste, bontši bja bona. Gomme ba... Eupša o no se kgone go ba mogohle gatee, kafao o no leka go dira bokaonekaone o kgonago ge o sa le fao. E go dira o tšhoge. Eupša le a tseba go tšeа batho ba letšhogo, nako ye nngwe, go fihla felotsoko, le a tseba, gomme ba hwetša go ngwalelwā godimo ka lefelong.

⁷ A le be le tseba gore bontši ka mehla gore batho ka tlase ga tšhušumetšo ba tšewa go ba dihlakanahlogo? Yeo ke nnete. E no nagana ke ofe wa baprofeta a bego a se a tšeelwa go ba sehlakanahlogo, le a bona. Le Jesu, ba rile, “O a gafa,” go ra go *tshereana*, le a bona. Gomme Paulo o rile, “Ka Tsela ye e bitšwago ‘tshereana,’ ke ka tsela ye ke direlago Modimo.” Le a bona, *bohlanya*, “*tshereana*.”

⁸ Gomme o tšeа direti. Bakeng sa tšhušumetšo, ba namela ka go lefelo moo feela batho ba tlwaelo ba sa fihlego fale. Ke nagana ka—ka Stephen Foster, yo a filego Amerika dipina tša yona tša go tuma. Bjale, ke nagana o bile le yona ka monaganong wa gagwe, eupša e sego ka pelong ya gagwe. Gomme ke be ke fela ke phela feela go kgabaganya noka go tloga go la kgale legae la Kentucky. Le a tseba, morago ga go ngwala pina yela ya go tuma ya setšhaba, o be a tla ya ntle le go tagwa. Gomme o be a no se kgone go e kgotlelēla. Gomme mafelelong ge a etla ntle go tšwa ka tlase ga tšhušumetšo yeo, letšatši le lengwe, o biditše mohlanka gomme a hwetša legare, gomme a ipolaya. Le a bona, wena—wena o... .

⁹ Ge o le godimo *kua*, se sengwe le se sengwe se gabotse, gomme ge o le tlase *mo*. E—e magareng, ge o tšwela ntle go tšwa ka tlase ga yona. O swanetše go botšiša molaodi le ba bangwe ba bona ba ba lekago go go sepediša go dikologa bošego, ka morago ga ye nngwe ya methalo yela ya tlhatho. Oo, nna, ga o tsebe ge eba ke se sengwe le se sengwe ke pono, goba se se diregago. Ke, le a bona, se sengwe le se sengwe. Se sengwe le se sengwe o se lebeletšego, ga—ga o tsebe ge eba ka kgonthe ke pono goba se e lego. O no... . Gomme ke wena yo a dirago seo. Le a bona? Ke wena—ke wena yo a gogago seo.

¹⁰ Ke be ke e hlatholla go modiša, lehono. Go bjalo ka mošemanе yo monnyane a leka go lebelela go kgabola molete ka lebotong, go bona sorokisi. O gogela godimo ka diatla tša gagwe, le go lebelela go kgabola, gomme a ka kgonia mohlomongwe go

bona boka thutlwa goba kamela, gomme a wela morago fase. Gomme o re, “Ke eng gape o e bonego?” Gabotse, go nyaka go mmolaya go ya godimo gape, go e bona. Eupša ka gona, morago ga lebakana, ge yo mongwe a ka kgona go tla go dikologa le go mo kukela godimo, a mo phagamišetša godimo, le go re, “Še yona tsela e yago. Ga—ga Garland e thoma *fa*, gomme tumelelo e tseleng *ye*, gomme e tšwela ntle godimo *fa*.” O mo dudiša fase. Gobaneng, ga e mo tshwenye.

¹¹ Yeo ke tsela ye Modimo a bego a le ka go Kriste. Bjale mosadi yo a kgwathilego seaparo sa Gagwe, feela mosadi yo monnyane ka nako ya menophose, o be a na le taba ya madi. Gomme o be a sa kgone . . . dingaka di be di sa kgone go a emiša. Gomme o kgwathile seaparo sa Gagwe. Gomme A retologa go dikologa gomme a re, “Ke mang yo a Nkgwathilego? Bokwala bo tlogile go tšwa go Nna.” Le a bona, yoo e be e le mosadi a šomiša mpho ya Modimo. O gogile Modimo ka Yena. Yoo e be e le mosadi a dira seo. O tšere monyetla wa go šomiša mpho ya Modimo.

¹² Eupša, ge Latsaro a hwile, O rile ga A dire selo go fihla Tate a Mmontšitše. Gomme ka morago, O ile kgole lebakana, gomme—gomme ba rometše go Yena go tla go rapelela Latsaro. Ga se A ye; O ile go lefelo le lengwe. Gomme morago ba rometše gape. Gomme ga se A ye; le go e tima, o ile go lefelo le lengwe. Gomme mafelelong a retologa, a re go barutiwa ba Gagwe, “Latsaro o robetše.”

Gabotse, ba rile, “O dira gabotse.”

¹³ Ka gona O boletše ka leleme la bona, “O hwile. Ka baka la lena, Ke thabile Ke be ke se fao.” Le a bona, Tate o šetše a Mmoditše e tla ba botelele gakaakang, gobane O rile ga se A dira selo go fihla Tate a Mmontšitše; gomme gona e be e tla ba botelele gakaakang, le se se bego se tla direga, le bakeng sa Gagwe go ya morago. E nong go theetša. “Eupša Ke ya go mo tsoša.” Le a bona?

¹⁴ Gomme ge A fihla tlase lebitleng la Latsaro, O rapetše. O rile, “Tate, Ke a Go leboga gore O šetše o kwele; eupša Ke no bolela se go bao ba emego kgauswi.” O tsebile se se bego se eya go dira, gomme O biditše Latsaro go tšwa lebitleng. Go be go se selo se setee se boletšwego ka bokwala bo etšwa go Yena. Yoo e be e le Modimo a šomiša mpho ya Gagwe, gomme ye nngwe e be e le mosadi a šomiša mpho ya Modimo.

¹⁵ Bjale, o ka se kgone go tšweletša pono. E swanetše go tšwa go Modimo.

¹⁶ Kafao tumelo ya gago ke ye e e dirago. Tumelo ke selo se nnoši seo Modimo a tla se lemogago, go beng, ke tumelo go Lentšu la Gagwe le le tshepištšwego, gomme o dira seo wenamong. Ke tumelo ya gago ye e dirago seo. Eupša ka gona ge pono e etla, dinako tše dingwe, pono ye Modimo a tla e fago ka go ya felotsoko, gobaneng, dinako tše dingwe e tšea lebaka la diiri,

ga e tsoge ya ntshwenya. Eupša ke mohuta wo woo o gobatšago, gona o tla morago gomme o makala moo o lego.

¹⁷ Ke nagana William Cowper, ke a dumela, e be e le leina la gagwe, o ngwadilwe *Go Na Le Mothropo O Tladitšwe Ka Madi*. Ke eme kgauswi le lebitla la gagwe, e sego telele kudu, ka London. Ke ile ka no swanelo go lla gannyane, gobane ke kwetše monna bohloko. O be a le moreti. Gomme o, ge a ile godimo ka tšhušumetšo gomme a ngwala tšona dipina... Gabotse, ge a etšwa go yeo, o—o lekile go... o hweditše mo—mo mootledi gomme o lekile go hwetša noka, go ipolaya, gomme go be go le kgudi kudu ba be ba sa kgone le go e hwetša. Le a bona, o be a—o be a timetše, o be a etšwa tšhušumetšong, morago tlase lefaseng gape.

¹⁸ Yohle e ra eng, mogwera? Gore ka therešo go ne Naga mošola wa noka, o no swanelo go namela godimo go E bona. Kafao re a tseba go ya go ba letšatši le lengwe leo re yago go ya Nageng yela. Yeo ke Kholofelo ye kgolo ya rena.

¹⁹ Bjale, bošegong bjo, ga se nke ka ke ka botša morwa wa ka go fa dikarata tša thapelo. Eupša bošego bjo bongwe le bjo bongwe Morena o be a fodiša balwetši go tšwa batheeletšing, le go no ba bitša, bao ba nago le tumelo. Theetšang sekgauswi go se A se boleago bjale, le a bona, gomme ge A—ge A bolela.

²⁰ Eupša ke a nagana, gosasa bošego, bjale, gore re tla fetola tshe—tshe tshepedišo ya kopano. Gomme ke ba bakae ba ka ratago go no rapelelwa, go no—go no rapelelwa, balwetši? Gabotse, go lokile. Ke tla romela Billy, feela ka pela gannyane, ge go lokile le modiša wa rena wa go ratega, gomme re tla fa ntle, lena bohole, karata ya thapelo, yoo a e nyakago, gomme ka gona re tla no biletša batho godimo, le go tla kgauswi le go ba rapelela.

²¹ Nka se kgone go tšea yo mongwe le yo mongwe ka go wo mongwe wa methalo yela ya tlhatho. Ke tla...ba tla be ba ntšeela ntle, gomme le tla be le nthapediša. Gomme—gomme e no naganang, ge mosadi yo motee a kgwathile kobo ya Gagwe...

²² Gomme O be a le Morwa yo Mokgethwa wa Modimo. Ge mosadi yo motee a kgwathile seaparo sa Gagwe gomme go Mo dirile gore a ikwele a fokola, go tla dira eng go nna, modiradibe yo a pholositšwego ka mogau wa Gagwe? O be o ka se tsoge wa fihla ka godimo ga e tee, goba mohlomongwe yeo, ge A ka be a se a re, “Dilo tše Ke di dirago, le tla di dira le lena; tše di fetago tše le tla di dira.” Ka gore, le a bona, O rile, King James e na le “bogolwane,” eupša lentšu la maleba ke “bontši,” ge o le lebelela godimo, “bontši.” Ka gore, ga go yo motee a bego a ka kgona go dira se segolwane go feta seo; O tsositše bahu, gomme a emiša tlhago. O dirile se sengwe le se sengwe. Kafao selo se nnoši, Kereke... Tšohle Modimo a bilego ka go Monna o tee fale, eupša

Pilara yela ya Mollo ye kgolo yeo e etilegopele Israele e bile nama le go dula magareng ga rena.

²³ Eupša ge A bapotšwe, a tsogile gape gomme a rotogetše go Modimo; ka Letšatši la Pentecost, O tlide morago ka sebopego sa Pilara ye ya Mollo, gomme a ikaroganya Yenamong, maleme a Mollo a dutše godimo ga yo mongwe le yo mongwe wa bona. Modimo a ikaroganya Yenamong magareng ga Kereke ya Gagwe, gobane yoo e be e le Mosadimogatša wa Gagwe. Gomme monnamogatša le mosadimogatša ke batee, mmogo. Gomme Modimo le Kereke ke batee, mmogo. Modimo ka go lena! Yoo e be e le Modimo ka godimo ga rena, Modimo le rena, Modimo ka go rena, Modimo wa go swana nako yohle; feela diponagatšo tše tharo, ditholanakgopolu, goba diofisi, goba e ka ba eng o nyakago go e bitša. Boka Tate, Morwa, le Moya wo Mokgethwa, Ke Modimo wa go swana nako yohle. Le a bona?

²⁴ Gomme bjale yoo e be e le Modimo ka godimo ga rena, a ka se kgwathwe. Ebile le tthaba yeo e ka kgwathwago, moo A bego a le ntshe, ba be ba swanetše go tsetsemetšwa ka motsi, gobane sebe se be se seso sa ba le moneelo.

²⁵ Eupša nako yeo Modimo o tlide gomme a bonagatšwa magareng ga rena, “Re Mo kgwathile ka diatla tša rena,” o rile, “Modimo!” Timotheo wa Pele 3:16, “Ntle le kganetšo sephiri sa bomodimo ke se segolo; ka gore Modimo o bonagaditšwe nameng, a bonwa ke Barongwa, gomme a dumelwa lefaseng, a amogelwa godimo ka Letagong.” Le a bona? Le a bona, bjale, yoo e be e le Modimo le rena.

²⁶ Modimo godimo ga rena, Modimo le rena, bjale Modimo ka go rena. Tšohle tše Modimo a bego a le tšona, O di tšholletše ka go Kriste; tšohle tše Kriste a bego a le tšona, O di tšholletše ka Kerekeng. “Ka letšatši leo, le tla tseba gore Ke ka go Tate, Tate o ka go Nna; Nna ka go lena, gomme lena ka go Nna.” Kafao e bile Modimo nako yohle, le a bona, mediro ya Gagwe ya go swana. Kereke e beetswe go tšwetša pele modiro wa Gagwe, ka Moya wa go swana. O ka se kgone go rwala mošomo wa go swana ntle le Moya wa go swana. Yeo ke nnete. Moya wa go swana o rwala mošomo.

²⁷ Kafao bjale le ba babose kudu go bolela le lena, ke—ke ba nakong ya tlaleletšo, bošego bjo bongwe le bjo bongwe. Gomme ga—ga ke rate go dira seo.

²⁸ Eupša ke a nagana, ka pelo ya ka yohle, gore re mo nakong ya bofelo. Ga—ga ke—ga ke bolele seo feela gobane ke polelo ya go tlwaelega magareng ga batho. Ke a e dumela. Ke e dumela ka pelo ya ka yohle, le ka tlhokofalo ka pelong ya ka. Ke ka baka leo ke sa lekego go aga dilo tše kgolo, go dira dilo tše kgolo bogolo, le go aga dintlhora tše kgolo le dilo. Gomme ke—ke a dumela Kriste o etla. Ke—ke... Se sengwe le se sengwe, a re—a re e direng gonabjale, gobane go ka no se be gosasa, le a bona. A

re e direng e dirwe lehono, ge re ka kgona, se sengwe le se sengwe re ka kgonago go se dira.

²⁹ Kagona ga se nke ka tsoge ka dumelela, goba go se nagane Moya wo Mokgethwa o tla nnyaka go ba le dilo tše kgolo bogolo, moo go tla bago le tše kgolo bogolo . . . Bjale, seo se lokile go bale ba ba dirago seo. Ga ke ba ahlole. Seo se kaone. Eupša go ba bjalo ka kgašo ya mogala yeo e tšeago setšhaba ka moka ka gare, ba swanetše go kgopela batho tšhelete; gomme go dira seo, ba swanetše go e dira, gobane ba swanetše go e lefela. Kgašo ya seyalemoya, seo—seo se lokile, seo se kaone, eupša seo e be e se sa ka. Ke no rata . . . Gobaneng, ke tla tshwenyega nnamong go iša lehung, godimo ga seo. Gomme ga se ke kgone go dira seo. Ga se ke kgone.

³⁰ Ke thomile go tšeа moneelo, nako ye nngwe ka bophelong bja ka. Ke a thanka le kwele ka ga yona. Ke—ke thomile go tšeа moneelo. Re nno tsena ka go tlhakatlhakano ye bjalo, go fihla ke nyakile go ba. Ke—ke bile le dikoloto tše dingwe, gomme ke be ke šoma. Ke tšere kefa ya ka gomme ka tšollela tšheke ya ka ya mogolo, gomme re no se kgone go e dira. Gomme ga se nke ka tsoge ka tšeа moneelo ka Tabarenekeleng. Ke ile ka diša mengwaga ye lesomešupa, ntle le peni. Gomme ke rile go mosadimogatsa, ke rile, “Rena, re no swanela go. Ke ya godimo le go tšeа moneelo.”

³¹ O rile, “Ke ya go go bogela, o a bona.” Le a bona? O ya godimo le go dula fase.

³² Gomme bošgong bjoo, ka morago . . . Ke batho ba go ratega. Šegofatša dipelo tša bona. Ke rile, “Ke—ke mohuta wa go hloya go bolela se.” Ke rile, “Ke bile le lena nako ye telele. Ga se nke ka ke ka le kgopela e ka ba eng,” ka re, “eupša ke—ke na le dikoloto tše ke swanetšego go di kopanya. Ke hloka ditolara tše tshela.” Gomme ke rile, “Ke—ke no se be le yona. Ke no se be le yona, gomme e a nyakega” gomme ke rile, “Mokibelo. Gomme ke—ke no se be le yona go lefa.” Gomme ke rile, “Ge lena bohle, e ka ba mang wa lena yoo a nago le e ka ba taeme,” ke rile, “ge o ka thuša gannyane, ke tla e thabela.” Gomme—gomme yo mongwe le yo mongwe o thomile go lla. Go be go le mokgekoloko a dutše fase fale . . . Gomme motikone o ile a emelela, gomme ebile re be re se na le poroto ya koleke, gomme ke—ke rile, “O ka kgona go hwetša kefa ya ka.” Gomme ke ile le go tšeа kefa ya ka.

³³ Gomme ke lebeletše tlase fale. Gomme kgaetšedi yo monnyane wa kgale ka mehla o a nthapediša, o bile le . . . Yo mongwe wa mme yo wa fesene ya kgale wa borwa yo a bilego le ye nngwe ya tše nnyane tše . . . dipukumoraba tše dinnyane tše di konopelago ka godimo. O konopolotše yela, gomme, oo, nna! Ke lebeletše yela. Ke be nka se šomiše yela bakeng sa lefeela. Ke rile, “Ke—ke be ke no swaswa. Ke be ke nyaka go bona se le bego le eya go se bolela. Ke be ka nnete ke sa re seo.” Ke be nka se

kgone go e dira. Bjoo ke bokgauswiuswi nkilego ka tla go tšea moneelo. Le a bona?

³⁴ Go be go le mokgalabje a bego a fela a etla tlase ntlong ya ka. O—o, ke a nagana o be a le wa Ntlo ya Dafida, goba se sengwe. O be a na le maledu a matelele le moriri. O mphile paesekela ya kgale, gore e be e kgelogile; eupša e segó go kgeloga, go no onala. Go—go molaleng gore e diretše mošomo wa yona gabotse, eupša e be e le . . . Kafao ke—ke ile tlase lebenkeleng la disente tše lesome gomme ka ikhweletša dikotikoti tše pedi tša pente, bakeng sa disente tše masomepedi, gomme ke e pentile le go e rekiša bakeng sa ditolara tše tshela. Kafao ke be ke se ka swanelago tše moneelo, le a bona. Kafao bjoo ke bokgauswiuswi ke tlago. Ke—ke . . . Le a bona?

³⁵ Go ka reng ge nka ba mo le bjhohle boikarabelo bjo bogolo bjoo, gomme Moya wo Mokgethwa o mpileditše ntle felotsoko go kereke ye nnyane, moo mohlomongwe ke bego ke tla swanelago go ba le ditolara tše makgolo ka letšatši, go hlokomela yeo? Ba be ba ka se kgone go e dira. Eupša, le a bona, ga ke hloke selo eupša feela bontši bja Modimo. Le a bona? Ga—ga ke. Kafao ge A mpitša e ka ba kae, ga go kgathale moo go lego, ge go le batho ba lesome goba . . . Gomme ke rerile go dikete tše makgolothano, ka nako ye nngwe. Kafao, gabotse, ge go etla go nako yeo, yo mongwe o no bea . . . Modimo o e bea godimo ga pelo ya bona, gomme ba tla go dikologa le go re, “O a tseba, Morena o rile o be o eya felotsoko, gomme tšheke še ya yona.” Yeo ke yona, ka tumelo, le a bona, ka gore O tseba se re se hlokago. Le a bona? Gomme kafao ke no rata go phela ka mokgwa woo.

³⁶ Gomme ka gona selo se sengwe, le a tseba, ke nagana re ya tlase ka mafelong. Batho ba bantši ba ba tlago dikopanong tša ka ke batho ba badiidi go no swana le ka mo ke lego, gomme ke nyaka go dula go no swana le ka mo ba lego. A go tla lebelelega gabotse bjale go modiredi go ya go dikologa, selo se sengwe se segolo sohle, le a tseba, ka mokgwa woo, le dikete tše masome tša ditolara, gomme a e fošetša ka tsela *ye le ka tsela yela*; gomme—gomme mosadi tsoko wa go šokiša a goga mokotla wa katune mokokotlong wa gagwe, a topa katune bakeng sa e ka ba ditolara tše tharo ka letšatši, a ejá makhura a kolobe le borotho bja lehea? Huh—uh. Ga ke kgone, ga ke kgone go bona seo, le a bona. Kriste ke mong wa lefase, gomme ga se a be le lefelo go latša hlogo ya Gagwe; “diphukubje di na le melete.” Gomme O be a le Mohlala wa rena. O be a le se A bego a swanetše go ba sona.

³⁷ Bjale, e segó bjalo ka ge ke leka go sola seo. Ke no leka go le botša ka nnamong. Kagona, go se na tšhelete, gona ga se nke ka leka go thoma e ka ba eng ye kgolo, le a tseba. Gomme—gomme o ka se kgone go thoma selo se segolo, golebjalo. Selo se segologolo se lego gona, re ya go Sona, le a bona; kafao, gomme ke Modimo. Gomme ke nagana gore bohole re no ba bogolo bjo bo swanago,

gomme a re nong go dula ka mokgwa—ka mokgwa woo. Re bana ba Modimo.

³⁸ Bjale, ke—ke no rata go bala Beibele ye. Gomme ga ke kgone go e bala gabotse kudu gomme dinako tše dingwe ke bitša mantšu a ka gabotse, eupša le tla nkgotlelala bakeng sa seo. Ke—ke...

³⁹ Nako ye nngwe ke a elelwa ke be ke le ka Fort Wayne, ke be ke rera. Gomme go bile le Assemblies of God e rwele athekele ye, gomme morago *Who's Who* e bile le yona; mosetsana yo monnyane. Le ka no ba le e badile e ka ba mengwaga ye lesome ya go feta. Ba bile, o be a le... mahlo a gagwe a be a dirilwe karo gomme pono e be e ile. Gomme—gomme o tlišitšwe ka gare go nna, gomme Moya wo Mokgethwa o mmuditše tšohle ka ga yona le go mo fodiša thwi fale; o kgonne go bala Beibele goba e ka ba eng. Gomme *Who's Who* e e rwele. Puku yeo, le a tseba, *Who's Who*, ka saense ya dihlare le eng kapa eng go feta, a ka kgonago.

⁴⁰ Gomme ke a elelwa, mašego a mmalwa ka morago ga fao, ke ile morago ka morago moo Paul Rader a ngwadilego pina yela, *Dumela Feela*. Gomme ke be ke dutše fale le go kwa yeo e etla ka gare. Go bile le mo—mo monna yo ka kgontha a bilego le thuto, o swanetše go ba, gomme kafao o boile morago, o rile, “Mna. Branham, a nka bolela le wena?”

Ke rile, “Ee, mohlomphegi.”

⁴¹ Gomme a itsebiša ka boyena, gomme—gomme a re, “Ke no nyaka go go phošolla go dilo tše dingwe.”

Ke rile, “Go lokile, mohlomphegi.”

Gomme o rile, “Popopolelo ya gago.” Le a bona?

⁴² Ke rile, “Ee, mohlomphegi, ke tseba seo.” Ke rile, “Ke na le feela thuto ya kereiti ya bošupa.” Ke rile, “Re bile le bana ba lesome. Papa wa ka o be a babja gomme ke ile ka swanelo go ya mošomong. Ke ile ka swanelo go tlogela sekolo, feela mošemane yo monnyane.”

O rile, “Seo ga se boitshwarelelo bjale.”

⁴³ Gomme ke rile, “Yeo, yeo ke nnete.” Ke rile, “Ke a thanka ga se yona. Eupša bjale ge e sa le ke swanetše go hlankela Morena, ga ke ne nako go, bakeng sa e ka ba efe ya yona.”

⁴⁴ O rile, “Gabotse, ya gago...” O rile, “Batho ntile fale!” O rile, “Ke go etše hloko bošegong bja go feta, o rile, ‘Lena batho bohole le tlago godimo fa hleng le phuluphithi ye,’ o rile, ‘le ya tlase....’”

⁴⁵ Gomme ke rile, “Gabotse, eng? Ga se ke tsebe phapano e ka ba efe.” Gomme o rile... Ke rile, “Phošo ke eng ka seo?”

⁴⁶ O rile, “Ga se phuluphithi,” o rile, “ke *phuluphithi*.” O rile, “Phuthego ya gago e tla go thabela kudu ge o ka re *phuluphithi*.”

⁴⁷ Gabotse, ke nagana o bile mohuta wa go kama moriri o se mekae ka tsela ya go fošagala. Ke rile, “Ngwanešu,” ke rile, “ga ke nyake go fapana le wena. Eupša ga ke dumele bona batho ba a tshwenyega ge eba ke re phuluphithi goba *phuluphithi*, feela gore ke rere Lentšu la Modimo, le go phela bophelo bjo bo lego ka go Ye.” Seo ke kgwekgwe ya selo. Amene.

Moisa yo monnyane o rile, “Eupša ga o tsebe Beibele ya gago.”

⁴⁸ Ke rile, “Eupša ke tseba Mongwadi gabotse ka kgonthe, gomme O—O a ntšhegofatša.” Bokaone ke tsebe, “go tseba Yena ke Bophelo.” Le a bona?

⁴⁹ Bjale, gosasa bošego, etlang gabotse ka pela. Gobane, ge ke etla godimo, feela dinakwana di se kae tša go feta, ka thekisi ntle kua, go be go no ba molokoloko wa batho, ba nyamišitšwe, ba bangwe ba lla, ba tlogela lefelo, gomme ba gomišitšwe. Kafao etla ka pela ka mo o kgonago, go hwetša karata ya gago ya thapelo.

⁵⁰ Bjale feela pele re lebelela go Lentšu, a re boleleng le Mongwadi motsotsotso feela.

⁵¹ Tate wa Legodimong, le ke Lentšu la Gago. Gomme re bala ka Beibeleng, gore, “Re hlwekišwa ka meetse a Lentšu.” Gomme re a tseba, ka go Testamente ya Kgale, ka fao ba tšerego sethole, sethole se sehubedu, le go se bolaya, phuthego ka moka, gomme se ile sa tšhungwa. Gomme morago melora e be e bolokilwe ka ntle ga dikgoro, bakeng sa meetse a karogano, diatla tšela—tšela tše di bego di swera se di swanetše go ba diatla tša go hlweka. Gomme ke—ke rapela Wena, Modimo, ge meetse a a karogano, Lentšu leo le re aroganyago go tloga go lehu, go ya Bophelong; le hlwekiša megopolo ya rena, dipelo tša rena, Morena. Gomme ge go ka ba e ka ba eng O e hwetšago ka go rena, yeo e sa no go loka, e hlwekiše, Morena, ka meetse a a karogano, bošegong bjo. Tloša dibe tša rena, Tate. Re—re nyaka go ema tšatši ka tšatši pele ga Gago, re ehwa go renabeng, gore re ke re phele ka go Kriste. Segofatša Lentšu ge re Le bala. Gomme O tshepišitše gore Le tla—le ka se bowe le le fela, eupša Le—Le tla phethagatša seo Le reretšwego go se dira. Gomme re a rapela gore O tla fa se ka Leina la Jesu. Amene.

⁵² Ka go Puku ya Kutollo ya Jesu Kriste, re a hwetša ke ya go bala feela gannyane nthathana go tloga go Lehuto la Boselela. Go tšwa go Puku ya Kutollo, e hwetšwago ka go tema ya 6 ya Kutollo, gomme morago re tla thoma ka temana ya 12. Gomme ka gona gape ke nyaka go bala go tšwa go Bahebere 12:25, gape, bakeng sa setsopolwa se sengwe se sennyane, bakeng sa Mangwalo tsoko ke a ngwadilego fase mo. Gomme di—di dilo di se kae ke ratago go bolela ka tšona, ge Morena a rata. Gomme bjale go Kutollo 6:12.

Gomme ke bone ge a butše lehuto la boselela, gomme, bonang, go bile tšišinyego ye kgolo ya lefase; gomme letšatši le bile le leso bjalo ka kobo ya lesaka ya boditsi, gomme ngwedi o bile boka madi;

Gomme dinaledi tša legodimo di wetše lefaseng, ebile bjalo ka mohlare wa mogo o hlohlorega mago a gagwe a matata, ge a šikinywa ke phefo ye maatla.

...ona magodimo a tlogile bjalo ka sekrolo ge se phuthelwa mmogo; gomme thaba ye nngwe le ye nngwe le sehlakahlaka se sengwe le se sengwe di ile tša tlošwa mafelong a tšona.

Gomme dikgoši tša lefase, le banna ba bagolo, le banna ba bahumi, . . . balaodi bagolo, le banna ba maatla, . . . motlengwa yo mongwe le yo mongwe, molokologi yo mongwe le yo mongwe, ba iphihlile bonabeng ka . . . mefomeng le . . . maswika a dithaba.

Gomme ba rile go dithaba le maswika, Re weleng, gomme re uteng go tloga sefahlegong sa yena yoo a dutšego godimo ga terone, le bogaleng bja Kwana:

Ka gore letšatši le legolo la bogale bja gagwe le tlie; gomme ke mang a tla kgonago go ema?

⁵³ Bjale ka go Puku ya Bahebere, tema ya 12, gomme go thoma ka temana ya 25.

Bonang gore le se gane yena yoo a boleLAGO. Ka gore ge ba sa phonyokga bale ba mo gannego yoo a boletšego lona lefaseng, bontši kudu re ka se phonyokgego, ge re gana yola, go yena yo a boleLAGO go tšwa legodimong:

Yo segalontšu sa gagwe nako yela se šišintšego lefase: eupša bjale o beile, a re, Ya, gapegape Nka se sa šišinya lefase feela, eupša le magodimo gape.

Gomme lentšu le, Efela gapegape, go laetša . . . go tloša dilo tše di šikinywago, bjalo ka dilo tše di dirilwego, gore dilo tše di sa kgonego go šikinywa di šale.

Kagona re amogela mmušo wo o ka se šuthišwego, a re beng le mogau, woo ka wona re ka direLAGO Modimo go amogelega ka tlhomphokgolo le poifo ya bomodimo:

Gobane Modimo wa rena ke mollo wo o jago.

⁵⁴ Bjale se ke se—se sehlogo se sennyane seo ke tla ratago go se goga go tšwa fale, go dira sehlogo go tšwa go sona, ge nka se bitša. Gomme ke a holofela ga ke le swarelele bottelele kudu. Gomme kafao le se lebale gosasa bošego, bjale, go tla ka pela go hwetša dikarata tša thapelo, gomme re tla ba le mothalo wa thapelo moo re rapeleLAGO batho bohle ba ba nago le dikarata tša thapelo. Bjale, gomme sehlogo sa ka bošegong bjo ke *Lefase Le A Šwalalana*. Ke sehlogo sa go aroga.

⁵⁵ Eupša ke be ke nagana lehono, bjalo ka ge ke bile le sebakabotse sa letago le monyetla wo mobotse go sepela le Ngwanešu Vick, yo wa go hlomphega, mohlanka wa go hlomphega wa Kriste; le Ngwanešu Josefa, mogwera wa ka yo bohlokwa, gape. Re bile le, gabotse, e be e le matena, go nna. Ke a nagana ke dijo tša mosegare, go lena bohole mo. Eupša ge ao e le matena, gona a ke matena bošegong bjo, gomme ao ke dijo tša mosegare le difihlolo, selalelo sa ka se tšwa kae? Le a bona, ke ikwela o ka re ke tlogetše se sengwe ntle. Gomme ka gona ge re ile go—go matena le go tla morago go theoga mokgotha, re be re lemoga ba be ba emelela, ba thoma go bea dilo godimo bakeng sa Krisemose. Re batamela sehla sa Krisemose, gomme thwi mo kgwedding kgole, eupša mabenkele ohle a ntšha diseile tšohle tša bona tša Krisemose.

⁵⁶ Ba foša tlhaloso ya Krisemose kgole gakaakang! E no ba tiro ya kgwebo. Maikhutšo ohle a fetogile seo; Letšatši la Mme, Letšatši la Tate. Gomme letšatši le lengwe le le lengwe le swanetše go ba letšatši la mme le la tate. Gomme ba na le, oo, Paseka. Santa Claus o tšere—o tšere lefelo la tswalo. Mmutla le kgogo, lepidipidi le lennyane, le tšere nako ya tsogo. Yohle ke matsuana le mapidibidi le mae, gomme seo se amana bjang le tsogo? Le a bona? Gomme go befile kudu re... seo se e bea pele ga bana ba rena.

⁵⁷ Ba bantši mošemane yo monnyane ntle mo, bošegong bjo, a ka kgona go go botša kudu ka Davy Crockett go feta a ka kgona go go botša ka Jesu Kriste, nnete, nnete, gobane ke selo se segolo sa kgwebo. Ba tšea diaparo boka mošemane tsoko wa lekhapoye goba mogale tsoko, gomme, goba se sengwe sa mohlokamolao tsoko goba se sengwe, gomme—gomme ba rekiša diaparo tše di swanago le yena, gomme—gomme ka gona bana bohole ba bannyane ba tseba ka yona le go bala histori ya yona. Ge re ka no tliša lenaneo la Kriste godimo go batho, ka mokgwa woo. Ka mehla le leka go ekiša se le se balago; lena, babadi.

⁵⁸ Ke a elelwa, ka mehla go bile ka tsela yeo le nna. Ke elelwa nako ye nngwe, bjalo ka mošemane yo monnyane, e ka ba bogolo bja mengwaga ye lesomepedi, tlase ka bokgobapukung bja bohole, ke ile ka swara ye tee ya dipuku tša Zane Grey e bitšwago *The Lone Ranger*. Ke—ke otletše leswielo la mama go ya lehung, bjalo ka pere ya boitlošabodutu, go dikologa le go dikologa ntlo, go fihla ke le roba. Moragwana ga fao, ke badile setori sa Edgar Rice Burroughs sa *Tarzan And The Apes*, gomme ke robetše mohlareng, gobane ke—ke—ke be ke bala yeo. Yeo e be e le monaganong wa ka.

⁵⁹ Gomme, oo, letšatši le lengwe ke ile ka swara se sengwe e be e le sa kgonthe, Therešo, e sego nonwane. Gomme ge e sa le go tloga nako yeo, ke nyaka bophelo bja ka go swana le bja Gagwe. Ke hweditše se sengwe seo e bego e le kgonthe ge ke bala Beibele le bophelo bja Jesu Kriste.

⁶⁰ Bjale ge re batamela sehla se, se tlwaelegile kudu. Lefase le no ba e ka ba seemo sa go swana le bilego mengwaga ye dikete tše pedi ya go feta, ge A etla lefaseng ka go tleng ga Gagwe la mathomo. Ge A tlide lefaseng, lefase le ile la kopana le nako ya lona...

⁶¹ Nako le nako lefase le tsena kudu ka go seemo se sebjalo sa tlhakathhakano go fihla go se selo se ka le thušago. Re bile le se makga a mmalwa, go diketapele tše. Gomme re—re hwetša gore nako le nako ge le kopana le seemo se, gomme, le dira batho go—go thoma go rapela. Gomme ba ikwela gore se sengwe le se sengwe se ipapaletše ka bosona, bjalo ka ditshepedišo tšohle tša rena le se sengwe le se sengwe re nago naso, go bapala ka bosona go fihla mafelelong. E dirile seo ka go lefase la pele ga meetsefula, le go ya pele. Dipolitiki le—le dilo tše dingwe di no tla bofelong bja tšona, ga go sa le selo go yona. Gomme ke—ke nagana tšohle tše di dirwa ke Modimo, bakeng sa morero, mohuta wa go mpshafatšwa, go ba mohuta wa go tliša morago. Le na le tsela ya go impshafatša lonamong. Gomme ke nagana e no ba mo—mo molao wa Modimo, gore dilo tše di tla go lefelo leo.

⁶² Nako ya go tla ga mathomo ga Kriste, ke—ke a dumela re ka re lefase le be le šwalalana. E be e le nako ya go senyega ka dipolitiking, nako ya go senyega ka go—ka go bodumedi. Ditshepedišo ka moka di be di senyegile. Ba be ba tswakane ka gare, ba hlabela dilo tše dingwe le dikgopololo tša madirwakemotho, ka go mabodumedi, le go ya pele, go fihla selo ka moka se senyegile. Gomme lefase le be le šwalalana.

⁶³ Gomme lefase, ka nako yeo, le be le rapela bakeng sa mesia. Bjale, Baroma ba be ba rapela bakeng sa mesia, Bagerika ba be ba nyaka mesia, Bajuda ba be ba nyaka mesia. Gomme Modimo o ba file Mesia, eupša ba be ba sa e nyake ka tsela ye A e rometšego.

⁶⁴ Gomme ke a makala lehono, ka nakong ya rena ya tlhakathhakano, gore ge bohole ba rena re fihla lefelong le gape, ge re batamela Krisemose, re hwetša lefase ka go seemo sa go swana; maitshwaro a bodile, gomme dipolitiki di bodile, bophelo bja bodumedi bo—bo bodile, bokerekeleina bo bodile, gomme se sengwe le se sengwe se nno senyega. Gomme rena bohole re lebeletše se sengwe go re thuša go tšwa go sona. Rena bohole re letetše mesia.

⁶⁵ Ke a makala, ge eba Modimo o re rometše Mesia, ge re be re ka se no dira selo sa go swana ba se dirilego mo go fetilego. Re be re ka se Mo tsebe, re be re ka se tsebe O be a le Mang. Ga ke nagane lefase le be le tla Mo lemoga, le gannyan.

⁶⁶ Gomme hlokamelang gobaneng. Kgopololo ya ka še, lebaka gobaneng. Baroma, ba bile le kgopololo ya bona ya se mesia a swanetšego go ba. Yo mongwe le yo mongwe wa rena o na le dikgopololo tša rena beng; kerekeleina ye nngwe le ye nngwe e na le dikgopololo tša yona. Re rutilwe, go thadilwe godimo ga ditšhate

le se sengwe le se sengwe, se Mesia a swanetšego go ba, ka fao go yago go ba, "Kereke ya rena ke yona e yago go O amogela." Gabotse, Bajuda, Bafarisei ba naganne seo, gomme le Basadutsei ba naganne lehlakore la bona bjalo. Selo sa go swana, le a bona. Meoya ga e hwe; feelsa motho yoo e mo emerego. Le a bona? Gore, diabolo ga a tšeeyo wa gagwe, o tšeeyo feelsa motho. Gomme selo se sebotse ka yona, Modimo ga a tšeeyo Moya wa Gagwe, le ge e le, le a bona, O a dula; feelsa motho. Moya wa go swana wo o bego o le godimo ga Kriste o godimo ga modumedi lehono, modumedi wa therešo.

⁶⁷ Bjale elang hloko, Baroma ka letšatšing leo ba be ba lebeletše me—me mesia, ra—ra radipolitiki. Ba nyakile yo mongwe go tla tlase go tšwa Jupiter, goba yo mongwe go tla tlase ka koloi ya mollo, le—le letšatši ka morago ga hlodo ya gagwe, gomme o be a goga dikoloi go kgabaganya lefaufau. Gomme ba nyakile Jupiter go tla tlase le go ba fa maleatlana, sephiri sa sešole ka fao ba ka napitlago lefase ka moka. Seo ke se ba bego ba nyaka go se dira. Ba be ba nyaka go setla Bagerika, le—le go laola lefase lohle. Woo ke mohuta wa mesia ba bego ba mo nyaka.

⁶⁸ Gabotse, Bagerike ba nyakile mohuta wola wa mesia go tla le go ba botša feelsa tlwa mohuta wa leano leo ba ka go le šomiša go setla Baroma. Le a bona, woo ke mohuta.

⁶⁹ Gomme Bajuda, ba be ba lebeletše Mogenerale, monna tsoko yo a bego a etla ka molamo wa tshipi ka seatleng sa gagwe, le Tau ya Leloko la Juda, gomme o be a eya go buša ditšhaba tšohle; le go kitimišetša Roma ntle ka nokeng le go ba nweletša, gomme—gomme—gomme Israele e be e eya go thopa. Leo ke lebaka. Ge A etla tlwa ka tsela ye Lengwalo le rilego O tla tla, eupša ba be ba Mo lebeletše ka tsela ya go fapano.

⁷⁰ Ke a makala ge eba e ka se be selo sa go swana lehono, ge A etla, ge re ka se nagane seo. Re na le dikgopololo tša rena beng ka ga se A swanetšego go ba, le se A swanetšego go lebega boka, le ka fao A swanetšego go apara diaparo tša Gagwe, le go aroganya moriri wa Gagwe, le se sengwe le se sengwe. Ge e se feelsa tatso ya rena, gobaneng, re ka se e amogelete, le a bona; Ke ra, rena, lefase lehono, le a bona. Go lokile.

⁷¹ Bona—bona, Bajuda, ba ganne Mesia, ka baka la gore ga se A swanela tatso ya bona. Ga se A ke.

⁷² Matšatši a se makae a go feta, moroki yo mokaone ntle ka Tucson o be a nthipela marokgo. Gomme o be a le Mojuda. Gomme ke kwele Seisimane sa gagwe sa go robega, gomme—gomme ke rile, "O eng, Mojuda?"

⁷³ O rile, "Ee, mohlomphegi." Gomme o rile, "Ke a nagana o Mokriste?"

⁷⁴ Ka re, "Ee, mohlomphegi." Ka fao a ya pele a lokiša marokgo a ka. Gomme ka gopola, "Ke tla mo dumelela a ete pele go latela."

⁷⁵ Gomme o rile, "Gabotse," o rile, "ga ke na selo kgahlanong le lena Bakriste."

⁷⁶ Ke rile, "Ke a go leboga, mohlomphegi. Ga ke na selo kgahlanong le wena." Gomme o rile, o rile... Ke rile, "Mmono wa gago ke eng ka Kriste?"

⁷⁷ O rile, "O tlide ka pela kudu, gomme ba rile O be a le yo moswa kudu bakeng sa mošomo."

Gomme ke rile, "Ee, mohlomphegi."

⁷⁸ O rile, "O be a no ba yo moswa kudu gannyane bakeng sa mošomo wa Gagwe." O rile bjale, Kriste, "Ge Yena, Jesu, a ka be a tlide lehono..." E sego Kriste; ga ba e dumele. O rile, "Ge nkabe Jesu a tlide lehono, lenaneo la Gagwe le ka be le be le lokile." O rile, "Ke sengwe, se sengwe, boka Rockefeller le Goldwater," o rile, "ba lwa seng sa bona, gomme ka phathing ya go swana." Gomme o rile, "O a bona, ba—ba be ba se ba swanela go be ba dira seo."

Ke rile, "Yeo ke nepagalo."

⁷⁹ O rile, "Ge Jesu a tlide," o rile, "O tlide a elwa le phathi ya Gagwe Mong, batho ba Gagwe."

⁸⁰ Ke rile, "Oo, aowa. O tlide go ba Gagwe Mong, gomme ba Gagwe Mong ga se ba Mo amogela." Ke rile, "Yeo, yeo e be e le yona, o a bona."

⁸¹ Kafao ke tla mo dira a khutše go fihla ke boa morago, le a bona, mohuta wo monnyane ka nako. Gobane, ke elelw Modimo o foufaditše mahlo a gagwe gore ke kgone go bona, le a bona, kafao ke—ke leboga kudu go mohlolo. Ka kgonthe ke a dira. O se tshwenyege, Israele, ge o dutše fa, nako ya gago ka pela e batametše. Le a bona? Kgonthe.

⁸² Bjale makga a mantši re bolela gore, "Jesu o be a le Mojuda." Aowa. O be a se. Aowa, O be a se Mojuda. O be a se Mojuda goba Montle. O be a le Modimo. Le a bona, haemoklopini ke moo sele ya bophelo e lego, gomme sele ya bophelo e be e le sele ya go hlolwa ke Modimo. Go be go se—go se bophelo bja leago magareng ga Modimo le Maria. Ga go le ge e ka ba maikutlo. O hlotše bobedi dipeu, yeo ke therešo, lee le sele. Gomme O be a se Mojuda goba Montle. O be a le boemagare bjola, magareng. O be a le Modimo. Gomme ge A be a le madi a Mojuda, re lahlegile; ge A be a le madi a Montle, re lahlegile. O be a le Madi a Modimo, a hlotšwe ntle le tumo ya thobalano. Leo ke, ke ka baka leo tumelo ya rena e ka kgonago go lebelela Kua gomme ya emela tiišetšo yeo ke Yona. Kafao O hwetše bobedi.

⁸³ Bjale re hwetša gore ge A tlide, go le bjalo, ga se A tla ka tatso ya Mojuda, kafao ba Mo ahlotše. Gomme bjale re—re ka se kgone go bolela selo ka yona, gobane re dira selo sa go swana.

⁸⁴ Ke eng e hlotšego se? Ke a dumela go bile le lebakabakeng sa seo. Gomme ke a nagana ke ka gobane ba be ba tšere Lentšu

la Modimo gomme ba Le dirile go hloka maatla, ka metlwae ya bona. Jesu o boletše bjalo. O rile, “Lena, ka metlwae ya lena, le dirile Lentšu la Modimo go hloka maatla.” Yeo ke therešo. Le be le se na le maatla, ka baka la gore e okeditše le go tšweletša ka go Lona metlwae ya bona. Gomme ge . . .

⁸⁵ O ka se kgone go oketša selo go *Leo*. O ka se kgone go tloša selo go Lona. Ke, yeo e no ba tsela ye Le lego. Yeo ke tsela ye Modimo a Le bolokilego. Re ka se kgone go oketša dithutotumelo le dithutotaelo le dilo, go lahlela ka go *Leo*. *Leo* ga le hloke thušo ye e itšego. *Leo* ke—*leo* ke *Yena*, *leo* ke *Yena* ka sebopego sa tlhaka.

⁸⁶ Gomme Lentšu ke Peu. Gomme peu ka go mohuta wa maleba wa mobu e tla gola, ge o sa epolle mosong wo mongwe le wo mongwe go hwetsa ge eba e a gola goba aowa. O no e bjala, wa e neela go Modimo, gomme wa e tlogela fao. Yeo ke tsela ya go e tlogela e gole, go no Le tlogela ka tsela ye le lego ka mobung. Gomme fao ke moo Le swanetšego go ba, mobu wa pelo ya gago. Tumelo e a Le nošetša, ka iri, e re, “Ge Modimo a boletše bjalo, ke ya ka!” Yeo ke tsela ya go e dira.

⁸⁷ Kafao lefase ka moka nako yeo le be le šwalalana boka le lehono, setšhaba se sengwe le se sengwe se be se lebeletše yo mongwe go—go ba swara ka ntle ga masetlapelo a ao a bego a le kgauswi le go ratha lefase, le go leka go di swara mmogo. Ditšhaba di be di lebeletše se sengwe, gomme—gomme setšhaba se sengwe le se sengwe se be se se lebeletše, eupša ba be ba lebega o ka re ba be ba sa nyake go amogela se Modimo a ba romilego. Ba be ba kgopela bakeng sa monna, mesia, yo a bego a tla napitla ditšhaba tšohle, gomme Modimo a ba fa Lesea. Ba kgopela bakeng sa Mogenerale, gomme ba hwetsa Lesea! Modimo o tsebile se ba bego ba se hloka. O ba gobošitše.

⁸⁸ Yeo ke tsela ye Modimo a dirago, O a re goboša ge re nagana re tseba se sengwe. Go swana le ge A rile go Jobo, “O na le bohlale bjo bontši kudu, o be o le kae ge Ke bea motheo wa lefase, ge dinaledi tša meso di opela mmogo gomme barwa ba Modimo ba goelela ka lethaboo? O be o le kae, Jobo?” Gobaneng, bohlale bja gagwe bo dirilwe, le a bona. Gomme Modimo o a re goboša ge re fihla go naganeng re se sengwe se segolo. Ge re nagana mokgatlo wa rena ke wona o nnoši, Modimo o tla tla morago go tšwa go se sengwe se se sego felo, go tsoša se sengwe le go re goboša ka sona. Yeo ke mnete. Ka mehla o e dira ka tsela yeo. Ee.

⁸⁹ Le a bona, ba kgopetše Mogenerale, gomme ba hweditše Lesea. Modimo o tsebile se ba bego ba se hloka. Yeo ke mnete. Ba kgopetše Mogenerale, gomme ba hweditše Mophološi. Le ge ba naganne ba be ba phološitše, eupša ketelo ya Modimo go bona e laeditše gore ba be ba se.

⁹⁰ Mohlomongwe seo ke bontši ka moka se e lego bothata lehono. Lefase le nagana ba phološitše, ka go tšoena kereke,

eupša ba hloka Mophološi feels go swana lehono. Ge seo e se seswantšho sa lefase lehono, ga ke tsebe lefase.

⁹¹ Yeo e no ba ka tsela ye e lego ka go Krisemose ye, gape re hwetša selo sa go swana, lefase le a šwalalana. Ge o eya go *se*, seo se ile. Ge o eya go *se*, seo se ile. Go fihlile ka tsela yeo gore re tle re tle go *Le*. Le a bona, go—go tloša dipropo tšohle ka tlase ga rena, gore re kgone—re kgone go swanelo go tla go mothopo o nnoši o lego gona, gomme woo ke Bophelo bjo Bosafelego.

⁹² Bjale e lebeletše lehono, bjalo ka ge e bile nako yela, go tshepedišo tsoko go e swara mmogo. Bjalo ka ge go bile nakong yela, bjale le a šwalalana. Gomme lefase la bodumedi nako yeo le be le lebeletše Mesia a tshepišitšwego go dira se.

⁹³ Gomme Modimo o boloka tshepišo ya Gagwe. Ga A tsoge a šitwa go boloka tshepišo ya Gagwe ka go mabaka ohle. Ge lefase le be le šwalalana, mo nakong ya Noage, Modimo o ba rometše moprofeta yo maatla. Ba dirile eng ka yona? Ba e gana. Moprofeta ke eng? Yena Lentšu le ttago go yena, ke Lentšu la Modimo gape. Mo nakong ya—ya Noage, ba e rometše. Mo nakong ya Moshe, tshepedišo ka moka e be e šwalalana, ba rometše moprofeta. Mo nakong ya Eliya, tshepedišo ka moka e be e šwalalana, ba rometše moprofeta. Nako le nako, ge lefase le tsena ka go tlhakatlhakano ye, ba romela moprofeta. Gomme ka gona ka go Krisemose ye ya mathomo, O rometše Lentšu ka bottalo bja Lona, le a bona, Lentšu! Karolo ya Lentšu ka go moprofeta, moprofeta o bile le Molaetša wa lebaka leo, gomme o ile pele.

⁹⁴ O filwe moprofeta, gomme ba dirile eng ka bona nako le nako? Ba ba kgatlile ka maswika (ga se ba ke ba dumelelana le ditshepedišo tša bona) gomme ba ba bolaya. Jesu o rile, “Le thakgelela maboto a baprofeta, mabitla, gomme botataweno ba ba beile ka fale. Gomme le paka seo, gore le bana ba bona.” Le a bona, ba a e dira. E no ba ye mpe kudu, eupša leo ke—leo ke lefase. Le a bona, ka mehla ke, Modimo o romela Lentšu la Gagwe, gomme bohlale bo leka go dira Lentšu temana.

⁹⁵ Ke ka tsela yeo go billego kua mathomong. Sona selo se thomile tshepedišo ka moka ya sebe e bile ka gobane yo mongwe, Efa...Sathane o tšweleditše peakanyo ye kaonana go phala ya Modimo; o tšweleditše bohlale. Ba ja go tšwa mohlareng wa tsebo.

⁹⁶ Bohlale ka mehla bo go tloša go Modimo. Tumelo e go tliša morago go Modimo. Ga o tsebe Modimo ka bohlale bja gago bjo bogolo. O...Ga se bja loka. Ke bja lefase. Ke bošilo go Modimo. “Eupša go kgahlile Modimo, ka bošilo bja go rera Lentšu la Gagwe, go pholosha balahlegi.” Le a bona? Kafao Modimo ka mehla o šomišitše se sengwe sa bošilo le bonolo.

⁹⁷ Ge A biditše barutiwa ba Gagwe, ge nkabe A kgethile Kayafa gomme baprista ba bagolo bao ba ba katišitšwego go iri yeo, go

bile le se sengwe go ikgantšha ka sona. Ba bile le grata ya bona ya bongaka le se sengwe le se sengwe. Eupsa O ya tlase le go hwetša banna ba go hloka tsebo, batheadihlapi bao ebile ba sa kgonego go bala leina la bona beng goba go ngwala leina la bona beng, gore A ke a tšee selo le go dira se sengwe go tšwa go sona.

⁹⁸ Ebile le Mokgethwa Paulo yo mogolo o rile o ile a swanela go lebala tšohle a kilego a di tseba, gore a ke a hwetše Kriste. O boditše kereke ya Bakorinthe, “Ga se ka tsoge ka tla go lena ka bokgwari bja mantšu le bohlale bja lefase le, gobane le be le tla aga tumelo ya lena ka go bjo.”

⁹⁹ Gomme lebelelang, lehono, batho ga ba nyake modiša ntle le ge a ka kgona go bolela feela gabotse le go dira maina ohle a gagwe le mašala. Gomme ge go le bjalo, nka se kgone go tsena ka phuluphithing, gobane ebile ga ke tsebe phapano gare ga leina le lešala. Gomme selo se nnosi ke se tsebago, ke, ke a Mo tseba. Gomme seo ke sohle ke tshwenyegago go se tseba, ka gore Yena ke wa ka—Yena ke Leina la ka le Lešalaina, Yena ke Bophelo bja ka. Bjale selo se re nyakago go se tseba ke Yena. Eupsa le a bona tshepedišo ya rena ya bodumedi e amogetše tshepedišo ya thuto, le go tšea legato la Moya wo Mokgethwa. Seo ke se e se dirilego.

¹⁰⁰ Bjale, ka matšatšing a Noage, matšatšing a Moshe, ba rometše baprofeta go bona, gomme ba dirile eng? Ba ba kgatlide ka maswika, ba ba bolaya, ba ba saga diripana, ba ba tšuma, ka tsela e ka ba efe go ba fediša, ba ba tloša diatleng tša bona.

¹⁰¹ Jesu o rutile ye kaone kudu, o tlišitše seswantšho, ge A rile, “Go be go le monna, monna yo mogolo o dirile... o be a na le serapa sa morara gomme a bea bahlokemedi ka go sona. Gomme o rometše mohlanka, gomme ba mmolaile. O rometše mohlanka yo mongwe, gomme ba mmolaile, le go ya pele.” Gomme o rile, “Mafelelong o rile, ‘Nna, Ke tla roma morwa wa ka, gomme ba tla mo šetša.’ Gomme ba—ba bahlokemedi ba serapa sa morara ba rile, ‘Yo ke mojabohwa, a re mmolayeng.’” Yoo e be e le Morwa wa Modimo yo A mo romilego.

¹⁰² A romela baporofeta! A romela Lentšu la Gagwe; Lentšu, Modimo! Elelwang, moloko wo mongwe le wo mongwe wa go wa, go ne selo se tee feela se ka kgonago go direla lefase le leporogo mmogo, seo ke Lentšu la Modimo!

¹⁰³ Lefase le le dirilwe ke Lentšu la Modimo. Le foreimilwe mmogo ke Lentšu la Modimo. Seo ke selo se nnoši seo se ka tsogego sa Le boloka mmogo, ke Lentšu la Modimo, ka gore Bahebере e rile, “Re a kwešiša gore lefase le foreimilwe ke Lentšu la Modimo.” Batho ba kamaka Lentšu la Modimo, gomme lona lerole le o dutšego godimo ga lona ke Lentšu la Modimo le dirwa go bonagala. Tšona ditulo tše o dutšego ka go tšona ke Lentšu la Modimo le dirwa go bonagala. Modimo o a e bolela, gomme e swanetše go direga, gobane ke le—le Lentšu la Modimo.

¹⁰⁴ Bjale selo se nnoši seo se ka e bolokago mmogo, se ka se tsoge sa ba tshepedišo ya dipolitiki, e ka se tsoge ya ba U.N., e ka se tsoge ya ba wo o itšego wa mekgatlo ye. E tla ba Lentšu la Modimo le le bolokago le—le lefase mmogo. Seo ke selo se nnoši seo nkago go se digela lehono, go thibela lefase go šwalalana gonabjale, ke, morago go Lentšu la Modimo. Leo ke lenanego la Modimo, ka mehla.

¹⁰⁵ Ka serapeng sa Edene, Sathane o tlide mmogo gomme o rile go Efa, o rile, “O swanetše go tsea kenywa ya mohlare.”

Gomme o rile, “Eupša Morena ga se a bolela.”

¹⁰⁶ O rile, “Bjale, oo, ka kgontha le ka se hwe.” Le a bona, o tsebile ge feela batho ba dutše ba šireletšegile!

¹⁰⁷ Se ke se re swanetšego go dula re šireleeditšwe ke sona, ke Lentšu. Le a bona, re dikaneditšwe ke Lentšu. Lentšu le ka go wena; Modimo ka go wena, go go dikologa. E ka ba kae o yago, ke Lentšu, Lentšu! Mmoloke ka mehla pele ga gago. Elelwang, Mo lemogeng mogohle. Bjale, ge Efa le Adama ba sepetše ka mokgwa wola, go be go se lehu. Monna goba mosadi yo a sepelago ka mokgwa woo bjale, ga go lehu go bona, ba na le Bophelo bjo Bosafelego ge o—ge o dikaneditšwe le go bolokwa ke Lentšu.

¹⁰⁸ Bjale šetšang, bohlale bo tla godimo go dira Lentšu temana, gomme, ge le dira, Efa o robile lepheko lela. Gomme ge Sathane a hweditše gore leo e be e le lefelo a bego a ka kgona go betha moloko wa motho, ke tlwa moo a e iteilego nako le nako. Ebile le ka go moyo wa molwalekriste, kgauswi kudu gore o tla fora le bona Bakgethiwa mo matšatšing a mafelelo, o tla ka sebopego sa bodumedi. Bjale ga go selo se sebjalo bjalo ka phathi ya bokomonisi e kilego ya tlaetša e ka ba mang; ba—ba lwa le Modimo, le go thoma, eupša yoo ga se molwalekriste. Molwalekriste ke bodumedi, kgauswi kudu bo tla fora le bona Bakgethiwa.

¹⁰⁹ Lebelelang Judase Iskariote, o sepetše thwi le Kereke, gomme o ipoletše Kriste. O dirile se sengwe le se sengwe ka moka ga bona ba se dirilego, ba ile ntle ebile le go lelekela bodiabolo ntle, le go tla morago ba hlalala, le bona. Ka nepagalo, Mateo 10. Eupša ge go etla go lefelo ka Pentecost, go amogela Bophelo bjo Bosafelego, o laeditše mebala ya gagwe.

¹¹⁰ Gomme ke moo e tla go lehono. Diabolo o go dumelela go ba le go tšoena kereke gohle o nyakago. Eupša ge go etla go nako moo o amogelago Moya wo Mokgethiwa, o tla no goeletša, “Ke sehlopha sa bapshikologibakgethiwa,” goba se sengwe. Ga—ga a nyake selo go dira le Leo. Gomme Judase le tshepedišo ya gagwe ba ka kgona go latela thwi godimo go iri yeo. Gobane, ke moo Judase a forilego lefase lela, go fihla go lefelo lela, eupša ga se a kgone go e dira fale. Bao ke Bakgethiwa thwi fao. Bjale, a ka kgona go tla bokgauswi bjoo, eupša a—eupša a ka se kgone go

ta tsela ka moka. Gobane, ge a ka dira, o tla ba ngwaneno gona, kafao a ka se kgone go dira seo.

Yo mongwe o rile, “O a tseba, diabolo o nkhweditše.” Aowa, ga se a ke.

¹¹¹ O ile ka ntle ka morago ga gagwe. Ga se a ke a tla ka gare gomme a go tšea. Gobane, “O hwile, gomme bophelo bja gago bo fihilwe ka go Modimo, le go tswalelewa ke Moya wo Mokgethwa.” Tsela e nnoši a ka tsogego a tsena ka Kua, ke tsela ya go swana o dirilego. Kafao o nno go mema, gomme wa sepelela ntle go yena. Yeo ke phetho. Le a bona? Ga se gore o tla ka gare ka morago ga gago. A ka se kgone go tla ka Kua, ka gore o ka go Kriste, o hwile go wenamong. Amene. Ga ke iamenele ka bona, eupša seo se ra gore “a go be bjalo.” Gomme ke—ke—ke a tseba ke therešo, go itemogela yona le go tseba gore ke therešo. Ke go feta go tloga lehung go ya Bophelong, go amogela Kriste ka go wena. Go lokile.

¹¹² Bjale re hwetša, gona, gore le—le lefase la bodumedi ka letšatšing leo le be le šwalalana, gomme ka mehla ba—ba be ba e dirile pele. Gomme gobaneng? Ke ka lebaka la gore baprofeta ba ba tlago, le Mesia yo a tlago, ga se ba kgotsofatša dinyakwa tša bona, lebaka la bona la thutamodimo bakeng sa yona. Bona . . . Ga se e dire.

¹¹³ Gomme ke ka tsela yeo go tla bago lehono. Le ke ka lebaka leo, ke a dumela, lehono, gore re—re tlabilwe ka go letšatši le, gobane, ka go mosepelo wa Modimo, gobane go, ebile le ka dikerekeng, ga go tle tlwa go mabaka a se ba nago le sona se eleleditšwago se swanetše go ba. Ba eleleditše gore, “go swanetše go ba le nako yeo dilo tše *rilego-rilego* di tla diregago,” gomme—gomme ka gona ge moko wa kgonthe wa yona o etla fase, gabotse, gona ba—ba gana Woo. Le a bona?

¹¹⁴ Gomme go hola eng go bea godimo lethale la mohlagase ge o gana maatlatshepelo? Le a bona, ga ba kgone go hwetša moela ka go lona, e no ba lethale la go hwa. Seo ke se e lego bothata ka kereke lehono. Re na le mathale ohle godimo; gomme ra gatelela konopi, ga go na Bophelo. Se re hlokago go se dira ke go kgokagana, seo ke sohle, gonabjale. Re kopantšhwe le Kriste, maphelo a rena a maikutlo a rena, maphelo a monagano wa rena, a kgomagane ka go Yena.

¹¹⁵ O re, “Gabotse, ke—ke a go botša, ke—ke—ke a dumela ke . . .” Ga o ne . . . Ga o ne monagano wo o tlago. Gomme yeo ke nnete. O re, “Ke nagana se. Gomme ke . . .” Ga o ne monagano. Le nna ga ke nao.

¹¹⁶ Beibele e rile, “A nke monagano wo o bego o le ka go Kriste o be ka go lena.” Gomme ka mehla O be a le modirong wa Tate. Kafao yeo ke kgopolو e nnoši o swanetšego go ba le yona, se Modimo a se boletšego ka yona, e sego se yo mongwe gape a se boletšego. Eupša se Modimo a se boletšego, seo ke sohle se lego

go yona. O rile, “A nke lentšu la motho yo mongwe le yo mongwe e be maaka, gomme la Ka e be Therešo.” Le a bona?

¹¹⁷ Seo ke selo go ripa lefase morago mmogo, eupša ba ka se O amogelete. Bjale re a tseba ba ka se ke, gobane ga se nke ba dira. Go lokile. Re a makala gona, ge eba karabo e le lehono, sello lehono, ke bakeng sa thušo go Mesia go tla. Gomme ke a dumela dinako tše dingwe ge re ka dira, ge A ka E romela, ke a makala ge eba re ka se dire selo sa go swana ba se dirilego nako yela.

¹¹⁸ Dipolitiki tšohle tša rena, bobedi ka go bodumedi, gomme—gomme bobedi ka go bophelo bja feterale, le go ya pele, di tšhilafetše. Re tšhilafaditše thapelo ya rena ka dithuto tša madirwa ke motho, tša go breakanywa le go hlangwa ke motho go swanelo tumelothoko ye nngwe le ye nngwe ye e lego godimo ga sefahlego sa lefase. Yo mongwe le yo mongwe o na le kgopoloy a bona beng gape. E swanetše go ba gape boka go bile matšatšing ge Modimo a tsošeditše moprofeta yo maatla godimo, Jesaya, o rile, “Dihlabelo tša lena le dilo di fetogile monkgomobe ka nkong ya Ka.”

¹¹⁹ Le a bona, Israele, pele, ge Modimo a ba boditše go tsea sehlabelo le go ya go se neela, gobaneng, e be e le selo se segolo. O ka kgona go eleletša Mojuda a eya go theoga tsela, ka kwa—kwa kwana, kwana ye nnyane ye e nonnego goba powana, goba eng kapa eng a bego a le sona. E be e le Paseka, gomme o ya tlase, o bea diatla tša gagwe godimo ga se—se sehlabelo seo se kgokaganyago yenamong, a itsebagatša ka boyena le sehlabelo, ge a bea seatla sa gagwe godimo ga sona. Moprista o bolaile se—se sebata, kwana ye nnyane, e ka ba eng e bilego. Gomme bjalo ge moisa yo monnyane a be a ehwa, a ragaraga le go lla, madi a kgaphetše diatleng tša gagwe. Gomme morapedi ka tlhokofalo o tsebile gore yoo e be e swanetše go ba yena, eupša kwana e be e tsea lefelo la gagwe. Seo ke se Jehofa a bego a se nyaka, ka baka la gore e be e le seswantšho sa Kriste. Eupša nako ye nngwe seo se tšwetšepele, se ile pele go fihla e eba motlwae wa lapa. Ba neetše kwana go no swana, eupša go be go se tlhokofalo ka yona. Modimo o rile, “Di a nkga ka mašobeng a dinko tša ka.”

¹²⁰ Gomme lehono! Mengwaga ya go feta re be re fela re hwetša batho ka tlhokofalo ya go teba le thapelo. Gomme lehono e bile matsaka a magolo a Hollywood, feela mohuta tsoko wa mmino wo o hlahlilwego; gomme basadi godimo sefaleng, ka diaparo tša bona di swineletše go lekanelo, letlalo ka ntle, go nyakile, le go bina go dikologa godimo ga sefala; go se tlhokofalo, gomme go nyakile go e dira feela dihlong tša go se hlamatsege, le go ipolela Bokriste. Ke a makala ge eba meneelo ya rena ga e be mohuta wa monkgomobe ka nkong ya Gagwe gape, diphapano tša rena!

¹²¹ E no ba dihlong gore lenaba le tšere basadi ba rena ba Amerika le go ba hlobola thososo, ntle kua mekgotheng. Gomme, gobaneng, ke—ke kgobogo. Ga go makatše bašemane ba

bannyane le basetsana ba bannyane, le dilo, ba ka sebopegong se se bjalo ka ge ba le lehono! Ka mehla ba leka go ekiša mosadi tsoko ntle fa ka Hollywood, a nyetšwego makga a mane goba a mahlano. Gomme o tla tšwela ntle a apere mohuta wo mongwe wa di-di diaparo tša go ponoka, gomme basetsana bohole ba bannyane ka nageng ba tla ekiša ka morago ga seo. A mašokiša! Seo se befile kudu. Ee, mohlomphegi. Go befile kudu, gomme se tsene ka kerekeng. Bokwala bjo bobotse bjo Modimo a bo fago mosadi, go ba mme, bo kgotletšwe.

¹²² Gomme bao ke lerapo la mokokotlo la setšhaba. O roba bomme, gomme o robile setšhaba thwi nako yeo. Seo ke selo se tee se se thušago go se swara mmogo, botswana bja kgontha bja mmapale.

¹²³ Ke be ke bolela le mootledi wa thekisi, go tleng tlase. Re be re bolela ka bana ba bangwe ba go seleka godimo kua. Gomme o rile, “Ke nagana ke batswadi.”

¹²⁴ Ke rile, “Amene. Moisa, ga ke tsebe o mang, eupša o tseleng ya maleba.” Gomme ke rile, “Yeo ke nnete.” Ke rile, “Go befile kudu gore ba ntšhitše be—be Beibele ka gae, le go ba fa mokgobo wa dikarata.”

¹²⁵ Gomme seo se thomile ka kerekeng. Ke be ke eme godimo ga elebeitha, dinakwana di se kae tša go feta; gomme mosadi tsoko godimo fale, a bolela le yo mongwe, o rile, “Gabotse, o a tseba,” o rile, “se ke selo sa go kgahliša, kereke ya renna e fa phathi ya karata,” le ka fao ba bego ba eya go ba le mohuta tsoko wa taba ya Gofaditebogo ya lekalakune, gore ba be ba eya, ka ntle ga kereke ya protestant. Oo, nna! Go kempola, lothari, panko, ditansi, oo, ge go fihla go nako moo batho ba swanetšego go dira dilo boka tše, go thabiša kereke!

¹²⁶ Kereke, ya go tswalwa gape, Moya wo Mokgethwa o thabiša Kereke, ka Bophelo bjo Bosafelego. Le a bona?

¹²⁷ Eupša batho, ga ba nyake Woo, gobane ba teilwe ke maipshino. Go befile kudu gore dilo di diregile ka tsela ye di dirilego. Kgalekgale, kgalekgale kudu, bokwala bjo bobotse bja basadi le roko ya bona ye kaone e inamile pele ga sebatlabadimo sa modimogadi wa Hollywood. Ke therešo. Ke mašokiša kudu gore lefase le tsene ka lefelong boka leo. Lerapo la mokokotlo la setšhaba le robegile. Kgogedi ya thobalano e tšewa makga a mantši bjalo ka fešene, sebjalebjale; batho ba a apara, ba eya ntle mokgotheng. A le tseba se Beibele e se boletšego?

¹²⁸ Ke tla le botša, ke be ke bolela ka seo, nako ye nngwe, gomme go bile le modiredi wa go tsebega o rile go nna, o rile, “Gobaneng o sa tloge go bona basadi ba dira seo le go bolela seo?” Gomme ke mmoditše, ke boletše. O rile, “O swanetše go ba ruta mokgwa wa go ba baprofetagadi, le go ya pele, ka mokgwa woo.”

¹²⁹ Ka re, “Ke ya go ba ruta bjang algebra ge ba be ba sa ithute le boABC ba bona?” Ka mehla dumela Kriste, le a tseba, A-B-C. Gomme kafao ke rile, “O ka kgona bjang go dira seo?”

¹³⁰ Dilo tšohle tše e be e no ba tlhakahlakano ye kgolo ye e meletšego ka kerekeng. Go befile kudu e tsena magareng ga rena batho ba Pentecostal. Oo, batho, emang! Naganang. O ka no mpitša lehlanya bjale, eupša ka Letsatši la Kahlolo o tla šikinya seatla sa ka. Gomme ke—ke le rata ka—ka lerato la bomodimo. Gomme ke nyaka le be gabotse, bagwera. Ke eng mohola wa go tše eng kapa eng go leka mahlatse a a itšego ka dilo tše bjalo ka tše?

¹³¹ Mohumagadi o rile go nna, o rile, “Gabotse, Mna. Branham, ga—ga ba, ba . . . woo ke mohuta o nnoši wa diaparo ba di direlago basadi.”

¹³² Ke rile, “Ba sa dira mašela, le go rekiša metšhene ya go roka.” Wena—wena, ga go na boitshwarelešo, le a bona. Yeo ke nnete.

¹³³ Lebelelang, gomme a nke ke bolele selo se tee gape, bjalo ka se. Le a tseba, ge o apara ka mokgwa woo, gomme modiradibe tsoko mokgotheng o go lebelela ka tsela ya go fošagala, o ya go araba ka Letsatši la Kahlolo bakeng sa go dira bootswa le modiradibe yola. O ka no ba wa bokwala go monna wa gago ka fao o ka kgonago go ba, o ka no ba wa bokwala go lesogana la gago, go botega ka fao o tsebago go ba bjang, eupša mo pele ga Modimo o mmalegogwana wa mokgotheng.

¹³⁴ O re, “A yeo ke nnete? Netefatša seo ka Lentšu, Ngwanešu Branham. O rile ke go botšiša e ka ba eng, ge eba e be e le Lentšu.” Ee, mohlomphegi.

¹³⁵ Jesu o rile, “Mang le mang a lebelelagosadi go mo kganyoga, o šetše a dirile bootswa le yena ka pelong ya gagwe.” Gomme ge o itšweletša wenamong ka mokgwa woo, o mohlodi wa bjona. Seo ke tlwa. Le ge o hloka molato ka go wenamong, o itšweleditše wenamong go modiradibe yola ka mokgwa wola. Ge a e arabela, o tla ba yena wa molato. Oo, tše diaparo tsoko le go ikhupetša, le go itshwara boka bahumagadi. Yeo ke nnete.

¹³⁶ Gomme lena banna, lena ba le tla dumelelago basadibagatša ba lena go dira selo sa go swana le seo, go apara wona mohuta wa diaparo, a ga o na tlhompho go wena goba yena, e ka ba ofe? Nna, o lesa mosadimogatša wa gago a dule le go kgoga disekerete ka ntlong, le go se butšwetša! O eng? Gomme gona o ipitša wenamong Mokriste? Oo, ga ke kgone go kwešiša seo.

¹³⁷ O re, “Gabotse, bjale ema motsotso, ‘Le tla ba tseba ka dikenya tša bona.’” Seo ke se ke bolelagosadi sona, le a bona. Yeo ke nnete, ge o rata Morena ka pelo ya gago yohle!

¹³⁸ O re, “Gabotse, ke no swanelo go di kgoga. Ao ke maipshino a ka.” Maipshino a gago?

¹³⁹ Maipshino a ka a ka go Morena. Maipshino a gago a ka go Morena, ge o ka hwela ntle go lefase. Modimo ke thabo ya ka. Yena ke khutšo ya ka. Yena ke sehlabelo sa ka. Yena ke Modimo wa ka. Yena ke lerato la ka. Ke Yena tšohle, le tšohle ke di hlokago, gomme ke kopana le yona ka go Kriste. Go nyorwa! Oo, nna!

¹⁴⁰ [Kgaetšedi o bolela ka maleme—Mor] Ebang le tlhomphokgolo. Re swanetše go leta go tšona dilo, le a tseba. Ge Moya o bolela, o phuleletša ka go molaetša le go bolela ka mokgwa woo, go swanetše go ba se sengwe se bohlokwa se lokelago go direga, le a bona. [Kgaetšedi o a hlatholla.] Amene. Amene. Gomme batho ba rile, “Amene.” [Phuthego e re, “Amene.”] Le a bona? Le a bona?

¹⁴¹ Bjale, elelwang, ge ke na le tlathollo gabotse, re swanetše go sebotša batho, le a bona, go Tla ga Morena. Gomme a re ba sebotšeng, ka mohuta wa maleba wa bophelo morago ga yona. Gobane, o ka se kgone go bolela le banna, o phela ka tsela e ka ba efe, gomme morago wa ya go mmotša. O a tseba o phela gabotse boka o le, le a bona. A re beng gabotse gomme re be komana, gobane ke a dumela Moya wo Mokgethwa o re nyaka re tseba dilo tše le go ba komana bakeng sa selo se segolo se seo se lokelago go direga. Ee. Ee, mohlomphegi.

¹⁴² Iri, lefase bjale le a šwalalana. Ditshepedišo tšohle di a šwalalana. Gobaneng le le? Le—le swanetše go tla ka tsela yeo, le a bona. Ke, “Re lebeletše Toropokgolo Ye Moagi le Modiro wa yona e lego Modimo,” gomme dilo tšohle tše tša lefase di swanetše go fa tsela, go Yona.

¹⁴³ Bjale re hwetsa gore Modimo o tshepišitše go fa dinyakwa tšohle tša rena re di hlokago, ka leetong le. A yeo ke nnete? Eupša, elelwang, O no e neela ka dipeelana. Re swanetše go kgotsofatša peelano ya Gagwe, pele. Ge re sa kgotsofatše peelano ya Gagwe, A ka se kgotsofatše—kgotsofatše peelano ya rena. Re swanetše go dira selo se se lokilego, sa pele, re swanetše go ya tlase botebong gomme re age godimo. Seo ke tlwa. Re ka se kgone go thoma ka godimo le go tla fase. Re swanetše go ya botebong le go aga godimo. Eya morago botebong. Bjale, O tla kgotsofatša seemo sa rena. Ditshepišo tšohle tša Gagwe di peelanong.

¹⁴⁴ Eupša re leka go ganetsa Se, ka metlwae ya rena. Re leka go dira Modimo se sengwe gape. “Re ya go lahlela metlwae ya rena le go re go no ba kaone gannyane,” goba yeo ke tsela ye batho ba lekago go e nagana.

¹⁴⁵ Bjale ga ke no bolela le kereke ye thwi fa, sehllopha se sa batho. Ke bolela le lefase. E a gatišwa mo gomme e tla ya gohle go dikologa lefase, se re se bolelago.

¹⁴⁶ Re nyaka dinyakwa tša rena di neelwe, eupša O neela ditlhoko tša rena. Yeo, yeo ke phapano. Re nyaka dinyakwa tša rena, gomme O re fa ditlhoko tša rena. Eupša O tseba se re se

hlokago. Gomme ka nnete kudukudu re tla, lefase le tla dira lehono, go Le amogela ge Le etla go ya ka motlwaе wa rena. Oo, Mabaptist ba tla rata go re, “Ke go ya ka se re Se dumetšego. Le a bona, bohole le be le le phošo.” Mamethodist ba re, “Bjale lena Mabaptist le phošo, Ke go ya ka se . . . Go tla ka tsela ye re Le dumetšego.” Eupša ke a eleletša Le tla tla go fapano go tloga go se e ka ba mang wa rena a naganago ka Lona. Ÿeo ke nnete. Le ya go tla ka tsela ye Modimo a Le beilego gore le tle, gomme go no se be ka go motho go kgona go ripa selo se le go re go ka tsela yeo. Bjale a le ka . . .

¹⁴⁷ Re a makala lehono, eng, gobaneng dimpho le dilo di se ka kerekeng, di šoma ka tsela ye di swanetšego go ba. Gobaneng, dimpho di bewa ka kerekeng, go aroganya le go ntšhetša sebe ntle, go boloka kereke e hlwekile. Ke—ke pheko ya Modimo yeo e filwego kereke. Ke ya Modimo . . . gape le sebolayatwatsi sa Gagwe seo A se beago ka kerekeng, go bolaya tšohle di—di dinwamadi tše—tše di thubago kereke. Gomme—gomme—gomme Modimo o peita kereke ya Gagwe godimo, ka Lentšu la Gagwe. Gomme seo se thibela ma—ma makeke ohle, le a tseba, gore kereke e kgone go gola, semela. Gomme Modimo o tseba se go se tšeago go e dira. Gabotse, o re . . .

¹⁴⁸ Go no swana le le—le lesea le lennyane le llela legare la gago, ge o be o beola. Gomme lesea la gago—la gago le lennyane le be le goeletša, “Mphe legare leo, Papa! Mphe legare leo!” Morwa wa gago yo monnyane, mengwaga ye mebedi goba ye meraro bogolo, o no goeleta, le go tabogela godimo le fase lebatong, “Efa legare!” Gabotse, o tseba bokaonana go feta go dira seo. Gabotse, o ka se fe lesea lela legare lela. Ga a tsebe a le sware bjang.

¹⁴⁹ Gomme ke ka lebaka leo ga re sa hwetša dimpho tše Kgethwa gape go feta se re se dirago. Ba e kgoromeletša godimo ga mohuta wa motlwaе, godimo ka go kerekeleina ye nngwe. Ga ba tseba gore ba e swara bjang. Modimo o tseba se a ka se dirago ka yona. Gabotse, o ka no re . . .

¹⁵⁰ Mošemane yo monnyane a ka re go wena, o mo ganne legare, a re, “Ke go bona o le swara, Papa.” Eupša, le a bona, o mogolwane, o tseba se o ka se dirago ka lona.

¹⁵¹ Gomme yeo ke tsela ge kereke e eba go tšwa go le—le lesea le lennyane le tlatlarega go dikologa, go bokwala bja kgontha bja—bja barwa le barwedi ba Modimo, gona dilo di ya go fapano. Ee, mohlomphegi. Kereke e swanetše go be e dira bjalo ka barwa le barwedi. Ge re swanetše go ba barutiši, re swanetše go rutwa.

¹⁵² E a nkgopotša. Ge bagwera ba ka ba makhalate fa bošegong bjo, banešu le dikgaetšedi, ba ka swarela tlhagišo ye. Mengwaga ya go feta, tlase ka Borwa, ba be ba tlwaetše go rekiša batho, ge bokgoba bo be bo eya pele tlase ka Borwa. Gomme ba tšere batho bale ba go šokiša, gomme ba ba ntšhetša ntle le go ba rekiša

fantising, boka mohuta tsoko wa koloi ye e šomišitšwego. O tla ba le sekoloto sa go rekiša.

¹⁵³ Bophelo bja motho. Ga se ya ke ya ba thato ya Modimo go ba le motho a buša godimo ga yo mongwe. Motho o dirile . . . Modimo o dirile motho, gomme motho o dirile makgoba. Bohle re tšwa mohlareng wa go swana. Yo motee a ka kgona go fa yo mongwe tšhelelo ya madi, ge eba re baserlwana, ba baso, ba batsothwa, ba bahubedu, goba eng kapa eng re lego yona. Bohle re moloko wa Adama. Naga ye re phetšego ka go yona, e fetotše mebala ya rena, ga e na le selo go dira le yona, le gatee. Jesu o hwile go phološa modiradibe, ga go kgathale e be e le mang.

¹⁵⁴ Gomme go be go fela go eba barekiši ba tlie, ba etla kgauswi gomme ba tla reka bona batho. Go no swana le ge o ka reka ko—ko koloi, wa tla kgaušwi gomme wa reka koloi ye ntši kudu ya go šomišwa; wa e tsea, wa e rekiša felotsoko gape. Ba be ba tla tla dipolantaseng gomme ba hwetša batho ba ba go šokiša ntle kua, le go lebelela tikologong, le go hwetša ke ofe a bilego bašomi ba go loka, le banna le basadi ba bagolo ba go tia. Gomme ba tla ba rekiša, ba tsea banna ba bagolo ba go tia le go ba tswadiša le basadi ba bagolo ba go tia, boka o ka dira dikgommo goba se sengwe, go hwetša le legolwane, lekgoba le boima. Ke a makala ke eng . . . Hele e tla be e tletše ka mohuta woo, se—se selo sa go swana le seo! Gomme šeba ba be ba le, mme yo monnyane wa kgale le masea a gagwe, ba lla, monnamogatša wa gagwe o rekišitšwe. Go be go šiiša.

¹⁵⁵ Ka gona selo sa pele le a tseba, moreki yo motee yo o tlie kgaušwi le polantase ye a e boletšego, letšatši le lengwe, gomme o be a lebeletše godimo ga makgoba. Gomme o rile, “Ke ba bakae o nago nabo?”

O rile, “Oo, re na le e ka ba makgolopedi ntle kua.”

¹⁵⁶ Gomme kafao o mo šeditše, gomme batho ba be ba nyamile. Ba be ba le kgole go tloga legaeng la bona, baratwa ba bona. Ba tlišitšwe go tšwa Afrika mo, le go tliša ka gare ke Maburu, le go rekišwa tlase mo ka Borwa, gomme ba—ba tsebile ba ka se tsoge ba ya morago gae. Ba—ba be ba fedile. Ba ka se tsoge ba ya morago. Gomme ba be ba nyamile. Gomme le . . . Ba be ba sa kgone go ba dira gore ba šome, le gatee. Ba be ba sa dire. Ba be ba swanetše go ba hwipinya, le se sengwe le se sengwe gape, go ba dira ba šome, gobane ba a tseba ba ka se tsoge ba tla morago gae. Papago bona o be a le godimo kua, mohlomongwe mme mo le papa godimo kua, gomme mohlomongwe bana mo le tatago bona felotsoko. Oo, go a šiiša.

¹⁵⁷ Gomme letšatši le lengwe morekiši yo o tlie kgaušwi gomme a lebelela sehlopha se sa makgoba, gomme o lemogile go be go le yo mongwe wa makgoba ale a baswa ntle fale bao ba bego ba se ba swanela go mo hwipinya. O be a tekotše sefega sa gagwe ntle, le seledu sa gagwe godimo; o be a sepela go dikologa, o be a le

thwi lefelong. Gomme morekiši a re, “E re, ke nyaka go reka le tee lela.”

Mong o rile, “Eupša ga a rekišwe.”

O rile, “Gobaneng?”

O rile, “Ke swanetše go mmoloka.”

O rile, “O swanetše go be a le molaodi godimo ga bohle ba bona.”

O rile, “Aowa, aowa. Yena ga se molaodi.”

“Gabotse,” o rile, “mohlomongwe o mo fepa bokaonana.”

O rile, “Aowa, bohle ba ja ntle fale ka go ntlopolokelo, mmogo.”

¹⁵⁸ O rile, “Gabotse, ke eng e mo dirago go fapano kudu go makgoba ka moka?”

¹⁵⁹ O rile, “Ka mehla ke be ke makala seo nnamong, go fihla letšatši le lengwe ke hweditše.” O rile, “Mošola ka go nagalegae moo a tšwago gona, tatagwe ke kgoši ya setšhaba. Gomme le ge a le modiiled, o sa tseba gore ke morwa wa kgoši. O itshiwara ka boyena bjalo ka yo motee.”

¹⁶⁰ Oo, ge re le barwa le barwedi ba Kgoši, Kgoši ya dikgoši, a re swareng semelo sa rena bjalo ka Bakriste. Yeo ke nnete. Ee, re badiiledi, re baeti gomme re basetsebane mo. Le ga se lefase la rena. Re nyaka Mmušo wo o tlago. Le ga se legae la rena. Le ge re ka tšewatšewa le go dirwa metlae, ke lefase, le go bitšwa *se, sela, le se sengwe*, le “fešene ya kgale,” le tšohle boka tšeo, o tshwenyega ka eng? Ga o nyake go ipeakanya wenamong ka morago ga mohuta tsoko wa naletšana ya mobi, goba naletšana tsoko ya thelebišene, goba se sengwe. O morwedi wa Modimo. O morwa wa Modimo. A re direng bjalo ka Modimo. Re bana ba Modimo, re a tseba, gomme re barwa le barwedi ba Kgoši. A nke semelo sa rena se bonagatše Bogona bja Gagwe, ga go kgathale go ba makgwakgwa bjang.

Tente goba khotetše, gabaneng ke swanetše go tshwenyega?

Ba nkagela palaisi godimo Kua!

Ka dirubi le ditaamane, ka silibere le gauta,
Matlotlo a Gagwe a tletše, O na le mahumo a
go se bolelwé.

Re bana ba Kgoši!

Le Jesu Mophološi wa rena,
Ke nna ngwana wa Kgoši!

¹⁶¹ A re itshwareng ka borena bjalo ka Tate wa rena. Re a tseba, letšatši le lengwe, re tla ya gae go ba le Yena. Ee. Ee.

¹⁶² Bona, ba nyaka Mesia, eupša ba e nyaka ka tlase ga maemo a bona beng. Ya, ba nyaka Mophološi, ba dirile, gomme ba e nyaka bjale ka tsela ya go swana, bakeng sa lebaka la go swana,

ka gore dikerekemaina le dipolotiki di tšere legato la Moya wo Mokgethwa. Badiredi, sebakeng sa go ba... Bontši kudu bja bona ba hlahlwa ke di—di dipolitiki tša bodumedi, sebakeng sa go dumelela Moya wo Mokgethwa go ba etapele. Le a bona? Kereke ye nngwe e tla ba fa moneelo wo monnyane wo mokaone, goba se sengwe gape, gomme ba ya kgole, go hwetša lefofa ka go kefa ya bona, goba se sengwe boka seo. Eupša, seo, seo se befile kudu. Re swanetše go hlahlwa ke Moya wo Mokgethwa. Modimo o rometše Moetapele wa kgonthe wa Kereke, gomme yoo ke Moya wo Mokgethwa.

¹⁶³ Tshepedišo ya rena ya thuto, ka dikerekeng tša rena, e re hlahletše kgole go tloga go Bogona bja Modimo. Go befile kudu gore re bea bašemane ba rena (Ke bolela ka Mapentecostal bjale) ntle ka diseminaring le dilo, di ba phaphaša bjalo ka matswiana a sealemedi. Yeo ke nnete. Ka mehla ke kwetše letswiana la sealamedi bohloko, ga se la—se la phaphašwa gabotse. O a tswinya, gomme ga a ne mama go ya go yena, o nno ntšhwa ke motšhene wo mogolo wa mmušo. Yeo ke tsela ye ba bonalago go be ba lokollela bareri ntle lehono, ka mohuta tsoko wa grata ya bongaka, le go mo romela ka kerekeng. Gomme dinako tše dingwe ga a tsebe bontši ka ga Modimo go feta Mokgothu a ka tseba ka ga bošego bja Egepeta.

¹⁶⁴ Se re se hlokago lehono ke bjo bobotse bja fešene ya kgale, bja dikgwamorago, bjo bolou bja lefaufau, bodumedi bja go bolaya sebe, le kolobetšo ya Moya wo Mokgethwa morago ka kerekeng gape; go hlwekiša, molomo wa sethunya go otlologa, bodumedi bja bolou bja lefaufau. Re hloka tlhwekišo, le go thoma gohlegohle gape. Yeo ke Therešo.

¹⁶⁵ Kereke, ga ke ikwešiše nnamong. Nka no ba ke gafa, bjalo ka ge ke boletše bosegong bja go feta, eupša ke—ke ikwela gabotse ka tsela ye. Ga se nke ka tsoge ka ikwela ka tsela ye ka tsela ye nngwe, kafao ke—ke tla no rata go dula ka tsela ye. Ee, mohlomphegi. Ke ile ka lahlegelwa ke monagano wa ka; ke ile ka swanela, go hwetša monagano wa Kriste. Modumedi yo mongwe le yo mongwe o swanetše, yeo ke nnete, o swanetše go hwetša monagano wa Kriste, ka go lahlegelwa ke monagano wa rena beng.

¹⁶⁶ Tshepedišo ya thuto e re tlošitše. Ke phela ka toropong ya kholetše, moo Yunibesithi ya Arizona e lego kua. Gomme ke be ke bolela, ke nagana se, na saense e ka kgona go le direla eng? Ba ka kgona go tše se sengwe, gomme ba re, “ye e bile mengwaga ye makgolo a mantši kudu ya go feta,” bjale ba hweditše e be e se mengwaga ye makgolo a mantši bjalo ya go feta. Ga se ba be le selo se tee gabjale, ka sesaense, go netefatša gore lefase le kile la ba le bophelo e ka ba bofe go lona, bontši e ka ba bofe go feta mengwaga ye dikete tše tshela. Ba topa marapo, gomme ba be ba fela ba tše kelo ya go fapano le go bolela ka fao e bego e le. Bjale, ba ka se e bolele. Profesa ye kgolo bošego bjo bongwe,

o eme godimo kua ka Arizona, gomme a re, "Ba ka se e bolele, aowa, eupša ba hweditše gore lebaka la lerapo le bile ka lebaka la tlorite le dilo ka meetseng, gomme gape letswai la le fetolela ka mokgwa woo, gomme la le gwahlafatša. Ka go feleta e be e se nako ya go le dira." Amene.

¹⁶⁷ Lentšu la Modimo le sa dutše le swana, maabane, lehono, le go ya go ile. Ba ka se tsoge ba kgona go Le ganetša. Seo ke selo se se tla swarago lefase mmogo; e sego tshepedišo ya thuto. Eng kapa eng o e beago sebakeng sa Leo, ke mosepelo wa molwalekriste; yeo ke nnete tlwa, e kgahlanong le dikokwane tša Kriste. Morago go Lentšu, gomme Kriste ke Lentšu! Ee, mohlomphegi. Yena ke Lentšu le dirilwe nama le go dula magareng ga rena.

¹⁶⁸ Thuto e ka se tsoge ya re fa Bophelo. Thuto e ka se tsoge. Saense e ka se re fe Bophelo. Lefase le ka se kgone go re fa Bophelo. Kereke e ka se kgone go re fa Bophelo. Thutamodimo e ka se kgone go re fa Bophelo. Go selo se tee feela se ka kgonago go go fa Bophelo, seo ke Kriste. Yena ke Bophelo, Bophelo bja go tlala!

¹⁶⁹ Nako ye nngwe ya go feta, ka toropongkgolo ka Canada, ke be ke eya godimo ga elebeitha. Gomme ba be ba na le sehlopha sa Maamerika godimo kua, gomme e be e le—e be e le mohuta wa kopano. Nka se bitše leina la yona, gobane go ka no ba yo mongwe ka go lotše e itšego yela, ka mo, gomme ke be nka se nyake go gobatša maikutlo a lena. Eupša ba be ba eya godimo go—go—go elebeitha, ka go hotele ye kgolo. Gomme ke be ke na le kopano kua. Gomme o be o sa kgone go ya godimo ga elebeitha, le gatee, bakeng sa mabotlelo a wisiki le dilo. Gomme ke rile go—go mošemane wa elebeitha, ke rile, "Ke eng sohle se?"

¹⁷⁰ O rile, "Maamerika ba re etetše bošegong bjo." Oo, mmalo, bontši bja bona! Gomme morago ke ile tlase.

¹⁷¹ Ge re etšwa go—go legato goba mo—mo materapo a mannyane, goba elebeitha, a ke re, gomme ra thoma, go be go le holo, gomme go be go le basadi ba babedi ba baswa ba eme tlase kua ba apere seaparo sa bona sa ka fase. Ba be ba na le lebotlelo la wisiki ka seatleng sa bona, gomme ba be ba enwa. Gomme ba thomile go theoga, gomme banna ba go tagwa ba etla ka ntle ga ntlo, ba tagilwe kudu, goba dikamora tše nnyane, ba leka go ba swara le go gogela diaparo tša bona fase. Gomme e be e lebega go šiiša. Gomme ba tla fase, gomme ke nno hunyela morago ka holong ye nnyane le go leta go fihla ba feta kgauswi, mojako wo monnyane, gomme ba eme pele ga ka. Gomme basadi ba go bogega botse, gomme ba be ba eme fale feela ba apere sekhethe sa bona se sennyane sa ka fase, diaparo tšohle ba bilego le tšona. Ba tšere lebotlelo le, gomme ba leka go le tšhelana seng sa bona. Yo mongwe o gogetše godimo seaparo sa gagwe sa ka

fase bogodimo bjo a kgonnego go se goga, a lahlela leoto la gagwe godimo ka moyeng, gomme a goelela, “Aggee, bjo ke bophelo!”

¹⁷² Ga se ke kgone go e kgotlelala. Ke gatetše ntle, gomme ke rile, “Kgaetšedi, ke kgopela tshwarelo ya gago. Leo ke lehu. Leo ke lehu.”

O rile, “Etsla o be le seno.”

¹⁷³ Gomme ke rile, “Ema feela motsotso.” Ke rile, “O rile bjoo e be e le bophelo.” Ke rile, “Bjoo ke bophelo bjo bo fapogilego. Gobaneng o leka go dira selo boka seo?” Etsla go hwetša . . . Ke rile, “Ke nna modiredi wa Ebangedi. Ke nna Moamerika, le nna. Gomme ke lewa ke dihlong ka wena. Ke lewa ke dihlong ka wena go ipitša ka bowena Moamerika, gomme godimo mo ka mokgwa woo.” Go tla go hwetša, yo mongwe wa bona o be a le morutiši wa sekolo sa Lamorena, gomme o thomile go lla.

¹⁷⁴ Sa pele ba thomile go tšhaba, gomme ke ba swere bobedi bja bona ka seatla. Ba be ba tagilwe kudu ga se ba kgona go tšhaba. Ke rile, “Emang, re ya go rapela thwi fa.”

“Go na le tsela ye e bonalago e lokile.”

¹⁷⁵ Gabotse, o re, “Ba no ba le boipshino bjo bonnyane bja go hlweka.” Papadi ye nnyane ya go hlweka? Ga go selo! Selo seo ga se . . . Ga ke kgathale o morutiši wa sekolo sa Lamorena bontši gakaakang. Ge selo seo se le ka pelong ya gago, Modimo a ka se kgone go dula ka go lefelo lela la ditšhila. Se re se hlokago ke tsošeletšo ya fešene ya kgale ya bokgethwa go swiela kerek, go tloga bofelong bjo botee go ya go bjo bongwe. Ee, mohlomphegi. Ga re dire seo. Seo ga sa swanelia go dumelwelwa. Eupša ke Maamerika ba na le ye nnyane “papadi ya go hlweka,” ba bea mohlala bjalo ka setšhaba sa Bokriste. Oo, nna! Tshepedišo ya thuto, yeo ga se Bophelo. Leo ke lehu.

¹⁷⁶ Ke eng e dirago motho go dira seo? Gobaneng ba e dira? Ke eng e dirago lefase go dira ka tsela ye ba dirago? Ka baka la gore ba gana Le. Go ne lefelo le lennyane ka pelong ya motho, le le nyorelwago Modimo. Lefelo le lennyane, motho o dirilwe go nyorwa. O beilwe godimo ka mokgwa woo. Seo ke se se go dirago gore o nwe, seo ke se se go dirago gore o dire dilo tše, ke ka baka la gore go na le selo se sengwe ka go wena se se labalabelago kgotsofalo, se nyorilwe. Gomme Modimo o a ganetša gore motho o tla leka go kgotsofatsa le go homotša pitšo ye kgethwa yela ya Modimo ka kemedi ye diabolo a tla mo fago yona! Ga o na le tokelo ya go dira seo. Yoo ke Modimo a go bitšago. Selo seo ke lenyora la lehu. Gomme ge o ka se tšeeli Kriste ka fale go tlatša leo, diabolo o tla go fa kemedi ya lehu ka go yona. Yeo ke nnete. Ga o ne tokelo go dira seo. Monna goba mosadi a ka homotša bjang pitšo ye kgethwa yela ka kua, ya Modimo e bitša. Gomme ka gobane o ka se Le amoge, gona diabolo o tla bona o kgotsofetše ka se sengwe gape.

¹⁷⁷ Se ke se se e kgotsofatšago. “Lentšu la Modimo ke le utile ka pelong ya ka, gore ke se dire sebe kgahlanong le Yena.” Yeo ke nnete. Modimo ka pelong, ke se se rarollago potšišo. Ee, mohlomphegi.

¹⁷⁸ Saense e ka se kgone go go fa Bophelo. Thuto e ka se kgone go go fa Bophelo. Kerekeleina e ka se kgone go go fa Bophelo. Dikolo di ka se kgone go go fa Bophelo. Setšhaba se ka se kgone go go fa Bophelo. Kereke e ka se kgone go go fa Bophelo. Ke feela Modimo a ka go fago Bophelo. Ke yena a nnoši a ka kgonago go e dira.

¹⁷⁹ Bjale re bona tlwa se moprofeta a rilego se tla direga mo letšatšing le. Moprofeta, Paulo, ka go Timotheo wa Bobedi 3, re hwetša gore nako e be e etla ge kereke e be e tla ba, “Hlogothata, monagano wa godimo,” matsebatšohle, le a bona, “monagano wa godimo, barati ba maipshino go feta barati ba Modimo, barobadikwano, baphari ba maaka, ba go se itshware, le banyatši ba bao ba lokilego.”

O re, “Bao ke makomonisi.” Aowa. Aowa.

¹⁸⁰ Bao ba bolelwago go ba Bakriste. Theetšang, balang temana ya go latela. “Ba na le sebopego sa bomodimo, eupša ba gana Maatla a bjona; go ba ba bjalo retologa o tluge.” O seboditšwe go retologa go tluga go ba ba bjalo ba ba ganago Maatla a tsogo, ba gana gore Jesu Kriste o a swana maabane, lehono, le go ya go ile. Nnete! O a swana maabane, lehono, le go ya go ile.

¹⁸¹ Petro o rile, ka Letšatši la Pentecost, “Tshepišo ye ke ya lena, le go bana ba lena, le go bona ba ba lego kgole, le ba bantši ba Morena Modimo wa rena a tlago go ba bitša.” Seo ke se Moya wo Mokgethwa o lego wa sona. Ge feela Modimo a sa bitša, Moya wo Mokgethwa o sa le fa go tlatša pelo ye nngwe le ye nngwe e swerwego ke tlala yeo Modimo a e biditšego.

¹⁸² Eupša re dira kemedi ya se sengwe gape. Re leka go kgotsofatša maikutlo ao, ka—ka go tšoena kereke. O no bolaya maikutlo ao, ka go dira seo. Ga se wa kgotsofala ka seo. Seo se ka se kgotsofatše.

¹⁸³ Go ne selo se tee feela se ka kgotsofatšago, seo ke ge Kriste a etla ka bophelong bja motho, ka gore O dirilwe ka seswantšho sa Modimo, gomme o dirilwe ka seemo sa Modimo. Gomme Modimo ga se a le fa leeto le mo lefaseng, go ba *se, seo*, goba *se sengwe*, eupša go ba morwa le morwedi wa Modimo. Gomme ga go selo gape se ka kgotsofatšago. Seo ke selo se nnoši se tla swarago lefase la rena—la rena mmogo. Gomme le se tšeekonomi ya rena ya madirwakemotho, eupša tšeang ekonomi ya Modimo le tsela ya Gagwe ya go e dira ka Lentšu la Gagwe. Seo se tla e swara mmogo.

Seo ke Setlemi sela sa go tlemaganya
 Dipelo tša rena ka lerato la Bokriste;
 Kopanelo ya monagano wa leloko
 E swana le yela ya Godimo.

¹⁸⁴ Yeo ke nnete. Se lefase le se hlokago lehono ke ya nako ye botse ya kgale, tsošeletšo ya Mokgethwa Paulo; le Beibele, Moya wo Mokgethwa morago gape; moo Moya wa Modimo o welago magareng ga batho, gomme maswao le matete a tšwelelago, bjalo ka ditlhase go tšwa moubeng. Ee, mohlomphegi, re a e hloka. Seo ke se re swanetšego go se swara mmogo.

¹⁸⁵ Ka gona re letela Modimo go kopana le rena ka metlwaeeng ya rena. Oo! Go thibela lefase go šwalalana, re Mo letela go tla go tshepedišo ya rena.

¹⁸⁶ Bjale seo ke tlwa se ba se nagannego morago fale, “Bjale ge Mesia a etla ka go lebaka le, re na le moprista yo mogolo yo mokaone, Kayafa. Re na le Lavinski, bohole baprista ba mmogo mo, le a bona, banna ba bakaone. Re ba tsentšitše sekolo, re ba rutile. Ba tseba se ba bolelago ka sona.”

¹⁸⁷ Eupša ge A etla, O fetile yo mongwe le yo mongwe wa bona. Ebile ga se A kgwatha tshepedišo ya bona. Ntle le seo, O rile, “Ke lena ba tataweno, diabolo, gomme le dira mediro ya gagwe. Lena moloko wa dinoga ka bjanyeng,” O rile, “Ke mang a le seboditšego go tšhaba go tloga go bogale bjo bo tlago?” Šetšang Lentšu la Modimo le etla ntle ka go kgalemo yela. Oo, ka kgontha ga se le kgotsofatše tatso ya bona ya thutamodimo. Gomme le ka se ke lehono, le gona. Ga le dire.

¹⁸⁸ Ge ba Mmone a eme fale le go dira leswao la Moprefeta, go bontšha gore O be a le Mesia, ba tla reng? “Ke Beletsebubu. Woo ke moya wo mobe go Yena.”

¹⁸⁹ Jesu o rile, “Ao ke maroga. Gomme ge Moya wo Mokgethwa o etla, gomme o bolela kgahlanong le Woo, e ka se tsoge ya lebalelwaa ka go lefase le goba lefase le le tlago.”

¹⁹⁰ Eupša le bona tshepedišo lehono? Ke selo sa go swana. Re bopile tshepedišo ya rena beng, ke ka baka leo tshepedišo ya rena e ka se tsoge ya swara lefase le mmogo. Ba ka kgetha Mopresidente goba Abraham Lincoln ka go naga ye nngwe le ye nngwe ka United States, gomme e ka se tsoge ya e swara mmogo, go fihla re etla morago go Lentšu la Modimo, morago go Beibele ya fešene ya kgale ye ntsho ya morago ye e nago le Therešo. Yeo ke tsela e nnoši re ka tsogego ra tseba Modimo le go boloka lefase la rena mmogo, ke morago go dikokwane tša Jesu Kriste, morago go Thuto ya Gagwe, morago go Moya wo Mokgethwa gape go etapeke Kereke.

¹⁹¹ Ke ka baka leo Therešo e swerwe gampe ka go fošagala kudu ka matšatšing a a mafelelo, ke ka lebaka la gore ge Modimo a leka go tlisa lenaneo la Gagwe ka gare, gomme batho ba šetše ba ipopile bonabeng go tloga ka go se sebjalo. Ba aga legora gore

Moya wo Mokgethwa o se kgone go tsena ka fale, go Mo rakela ntle. Re nyaka Modimo go re pholosa ka go sona se—se seemo se re lego ka go sona. Yeo ke tsela ye ke naganago . . .

¹⁹² Lena batho ba Pentecostal, le thomile ka eng? A le kile la bala Mokgotha wa Azusa, mišene; a le kile la bala pele Khanelse Kakaretšo e ka tsoge ya thoma? Batho ba Pentecostal ba be ba tsebja gobane ba tšwetše ka ntle ga dikerekemaina tšeо, le go aroganywa. Seo ke se ba bego ba le sona. “Etšwang magareng ga bona,” ba be ba fela ba rera seo nako yohle, “aroganang, go rialo Modimo. Tlogang go yona metlwae ya motho.” Gomme o dirile eng? O retologetše thwi morago go dikologa gomme a ya morago ka go tebetebe ya go swana a tšwilego go yona. Bjale, le arogane; o tee ke kereke ya Modimo; gomme yo mongwe, ke wena *se goba sela* se tee, setee *se goba sela*. Le arogane, le go bakišana seng sa lena. Go thuba tlemo yela!

¹⁹³ Ge la mathomo ke etla ka bodireding, ke naganne se sengwe le se sengwe e bego e le Pentecostal e be e le sehlopha se tee. Ke tla go hwetša, ba be ba arogane gampe bjalo ka Mabaptist. Selo se ke se dirilego ke go ema thwi ka bogareng bja bobedi bja bona, ka re, “Re banešu, ke sohle.” Therešo. Ge feelsa le thunyana seng, Sathane ga a swanela go le thunya. Eupša a nke tlemo yela e robje, gomme le phurolle ditente tša lena ntentle mošola, le go tšeela ka gare ngwanešu yo mongwe le yo mongwe, gona, ke a le botša, madira a magolo a Modimo a tla tsoga ka Maatla a Jesu Kriste, a ya morago Beibeleng. Gomme le bolela ka Kereke bakeng sa mogau wa tlhatlogo, go tla direga ge re ka kgona go kgeila metlwae ya rena, re lebale dilo tšohle tša dikerekemaina tša rena, le go tla thwi morago godimo ga motheo wa Lentšu la Modimo.

¹⁹⁴ Eupša re nyaka Modimo go re pholosa ka seemong se re lego. Re swanetše go kopana le seemo sa Gagwe. Le a bona, ga re, ga re kopane le rena go sa rena; godimo ga sa Gagwe! Re nyaka Modimo go re pholosa ka go sona selo seo—seo A . . . Se tšhilafetše. A nke Modimo! Boelang morago go Lentšu, gomme le ratane seng. Seo ke selo se nnoši ke tsebago go se dira.

¹⁹⁵ Modimo o re romela baprofeta, gomme—gomme re a ba bolaya, feelsa tlwa boka Jesu a rile ba tla dira. Ka gona re hwetša, ka morago ga ngwagakgolo goba ye mebedi, goba mengwaga ye lekgolo, goba mengwaga ye masometlhano, Modimo o tla re romela moprofeta, goba motseta, gomme, selo sa pele le a tseba, re tla mo swaswalatša le go mmolaya. Ka gona ka morago ga lebakana, ka morago ga ge a hwile, le a tseba, lebakana, kereke e tla tsoga. Ba tla dira eng? Ba tla re, “Gabotse, re tla aga kerekeleina godimo ga yola.” Seo ke se se diregilego go Mamethodist, Mabaptist, le ka moka bohle ba lena, le agile kerekeleina. Gomme selo sa yona ke, morago ga ge a hwile, gomme molaetša wa gagwe o fedile, re šetše re phela godimo ka go lefelo le lengwe. Ka gona le ya morago kua, molaetša wa

gagwe wa letšatši leo, gomme le leka go ya morago kua le go kgabiša lebitla la gagwe, mola še Yona e eya pele thwi fa nako yohle. Le lebala iri!

¹⁹⁶ Go no swana le batho. Batho ka mehla ba reta Modimo go se A se dirilego, le go Mo tumiša bakeng sa se A tla se dirago, gomme ba hlokomologa se A se dirago. Yeo—yeo, yeo e no ba tsela ya motho. Ka mehla o dirile seo. O nagana ka se A se dirilego, o Mo fa ditebogo; o dumela O ya go dira se sengwe ntle *mo*; eupša a lebala O a se dira, nako yohle, thwi fa! Ka mehla o a le hlokomologa. Yeo ke taba ya diabolo, go yena go e dira ka tsela yeo. Ee, mohlomphegi.

¹⁹⁷ Ditšo tša rena! Ee, mohlomphegi. “Mesia,” ba re, “ke bakeng sa moloko wo mongwe, se sengwe boka seo. O be a le morago kua.” O a swana maabane, lehono, le go ya go ile!

¹⁹⁸ Ka go go batamela ga Gagwe ga mathomo, Jesu, lefase ka moka le be le senyegile ka dipolitiki le mabodumedi. Bohle ba be ba llela Mesia. Ba nyakile Yena motlotšwa. Israele e nyakile se sengwe, gomme Roma e nyakile se sengwe, gomme ka moka ga bona.

¹⁹⁹ Ke selo sa go swana lehono. Rena bohole, yo mongwe le yo mongwe, re nyaka radipolitiki. Re nyaka se sengwe lehono.

²⁰⁰ Bjale, lehono, Russia e nyaka mesia. Russia e nyaka mesia yo a tla ba išago ngwedding thwi ka pela, go fihla fale pele ga bona ka moka ba tla dira. Seo ke se Russia e se nyakago. Ba nyaka mohuta wola wa mesia, sehlalefi tsoko, moisa tsoko yoo a lego—yoo a lego—yoo a lego sehlalefi sa rasaense, gomme o tla tseba mokgwa wa go fenza sebakabaka le go ya godimo fale le go tsema folaga ya Russia pele Maamerika a ka fihla fale. Oo, bona ba... Ba nyaka mesia wa bona. Ba leka bokaonekaone bja bona go tsošetša yo motee godimo. Go lokile.

²⁰¹ Amerika e dirile eng? O nyaka eng, Amerika? O goelela kudukudu. O nyaka eng? Le be le nyaka se—se sehlalefi sa go rutega. Le be le nyaka sehlalefi sa dipolitiki. Le se hweditše. Le ge o ile wa swanela go tšweletša mo—mo motšhene wa go bouta wa boradia go o hwetša, eupša o o hweditše. Yeo ke nnete. Lefase le nyaka... Seo ke se le se nyakago, bjale le ya go dira eng ka lona? Le nyakile go bontšha ka fao le bego le le ditswerere. Le bile le di Bea thelebišeneng, go laetša gore ye tee e ka phala ye nngwe ye tee, gomme wa e wela. Le a bona? Le e hweditše, bjale o ya go le hlahlela kae—kae? Thwi morago go Roma, ka nnete. Le e bone, gonabjale.

²⁰² Lena, kereke, le nyaka sehlalefi. Le nyaka eng? Le dira eng, kereke e nyaka eng? Le nyaka eng? Le nyaka yo mokaone, wa go rutega, modiredi wa bohlale go phagamela godimo, yo a kgonago go fenza bokaonana go feta Billy Graham, go ba tšeela bohole morago go kerekelenia ya lena. Le na le disseminari le dilo, di leka go ba phaphaša. Le a bona, yeo ke nnete. O ka

no se nagane yeo ke therešo; eupša, lebelela, tiro ya gago—ya gago e bolela kutšwana go feta mantšu a gago. Le nyaka—le nyaka sehlalefi sa bodumedi, yena yo a ka kgonago go le etapele, kerekeleina ya lena, godimo ga bona bohle; a napitlela Mabaptist ntle, a napitlela Mamethodist ntle, a napitlela Maoneness ntle, a napitlela Mathrinithi ntle, se sengwe le se sengwe, a sepela godimo ga sona sohle. Oo, le no ba le okola lefase fase, le leka go mo hwetša. Woo ke mohuta wo le o nyakago.

²⁰³ Eupša le tseba se le se hlokago? Le hloka Mophološi, feela tlwa se le se hlokago. Gomme seo ke se Modimo a tsebago le a se hloka, ke Mophološi, gomme O E romela go lena. Eupša a ba a E nyaka? Aowa, mohlomphegi. Seo ga se swanele tatso ya bona—ya bona ya kereke. Ga e no šoma ka tsela yeo le bona.

²⁰⁴ Eupša lefase ka moka le nyaka sehlalefi sa bona. Bjale go ka reng ge Russia e hweditše mesia wa yona, gona go reng ka rena?

²⁰⁵ Le a tseba, Jeremane e hweditše wa bona, e sego kgale kudu, gomme ba bantši ba lena bašemanе go tšwa go Ntwa ya Pele ya Lefase le elelwa seo gabotse kudu. Le a bona, ba e hweditše. Ga le hloke mohuta woo wa mesia. E be e le ka tsela ya go fošagala. E be e le selo sa go fošagala. E be e le kgahlanong le Lentšu la Modimo.

²⁰⁶ E no naganang Napoleon, ka mengwaga ye masometharo tharo, o fentše lefase, gomme a hwa ka go fenyweng. O hwile ka go fenyweng. O be a le moganetši ge la mathomo a tsogela godimo, gomme katlego ya gagwe ye kgolo e mo tlišitše; gomme o hwile, segatamoroko, bommalegogwana ba dikete tše šupago ba latela sesole sa gagwe. Gomme o hwile ka bogolo bja mengwaga ye masometharo tharo. Gomme o lekile go fenza lefase, eupša o e dirile ka tsela ya go fošagala.

²⁰⁷ Eupša Jesu Kriste, ka mengwaga ye masometharo tharo, o fentše lefase, lehu, hele, lebitla, gomme—gomme a rotogela Godimo. Gobaneng? O be a le Lentšu la Modimo le dirilwe go bonagala. Yoo ke Mesia wa rena! Amene. Kgonthe. Ka mehla ba, re nyaka me—re nyaka Mesia, eupša re e nyaka ka tsela . . .

²⁰⁸ Ke tla swanelo go tlogela dilo tše dingwe ke di ngwadilego fase bjale, re ba thari kudu. Re—re swanetše go tlogela tše dingwe tša yona.

²⁰⁹ Eupša lefase le nyaka—le nyaka mesia wa bona. Lefase le nyaka yo motee. Kereke e nyaka yo motee. Gomme go ka reng ge Modimo a ba rometše o tee? Ge Modimo a rometše Mesia, O tla ba eng? A ka se be radipolitiki wa bodumedi. O be a ka se be tšitširipa ya bohlale, bjalo ka ge re ka e bitša. Oo, aowa.

²¹⁰ O tla ba eng? O tla ba boka Bahebere 13:8, go swana le ge A bile. Ka mehla O bile. O tla ba Lentšu la Modimo le dirilwe go bonagala. Seo ke tlwa. O be a le Lentšu la Modimo; Yena ke Lentšu la Modimo; O tla ba Lentšu la Modimo go ya go ile. Ebile le go—go galagatšwa pele go Tla ga Gagwe, ka mehla e

bile baprofeta ba Lentšu le ttilego go bona. Mo Lentšu le tlie ka botlalo.

²¹¹ Gomme bjale ge A ka tla gape lehono, O tla ba le—le Lentšu la Modimo, Lentšu la Modimo le le bonagaditšwego, Lentšu le le hlatsetšwego la Modimo, Modimo a phela magareng ga rena. Yoo ke Mesia. O e tshepišitše. Amene. O tla ba Pilara yela ya Mollo gape. O tla ba Mesia wa go swana yo a etilegopele Israele. Amene. O tla ba Mesia wa go swana. [Ga go selo go theipi—Mor.] Kgonthe, ba tla Le gana boka ba dirile ka mehla. Nnete. Oo, gobane ba nyaka go aga setšhaba se segolo.

²¹² Re nyaka go aga mmele wo mogolo wa kereke. Lehono, re nagana ka seo, re nyaka kereke kakaretšo ye kgolo. Go lokile, le ya go e hwetša. Le nyakile kereke ye e kopanego. Le ya go e hwetša. Le ya go e hwetša. Gobaneng ba e nyaka ka mokgwa woo? Ge Mesia a ka tla, A ka se tsoge a bea selo boka seo lenaneong. O tla ba kgahlanong le yona. Nnete, O tla dira. Eupša ba e nyakela eng, lebaka ke lefe e swanetšego go tla ka tsela yeo? Ba nyaka monna yo motee yo a ka kgonago go ema godimo gomme a laola selo sohle. Le ya go se hwetša, therešo tlwa. Le tla mo amogela, gobane o etla. “Yo mongwe o tla tla, gomme le tla mo amogela,” Jesu o boletše. Gomme ba tla dira, ba tla mo amogela. Gobaneng ba nyaka go dira seo? Batho ba nyaka, dilo ka tsela ya bona beng.

²¹³ Mesia o be a tla tla, O be a tla no hlochlora mafofa go tloga go lena. Bolela ka moreri yo mongwe a ebolago letlalo la basadi le banna, ka nnete O tla ba ebola letlalo. O dirile ge A etla; O rile, “Lena moloko wa marabe, lena dinoga ka bjanyeng, ke lena ba tataweno, diabolo.” Ge Mesia yola a ka bowa ka go nako ye ya go tšhilafala, O tla dira selo sa go swana gape. Modimo o tla hlatsela modiro wa Gagwe feela boka A dirile mathomong, ka mohuta wa go swana wa maswao le matete. Ka kgonthe O tla e dira, ge A boile gape. Ge re na le Mesia yola, go no swana le ge A be a le nakong ya pele, gobane e ka se kgone go ba selo gape. Beibele e rile, “O a swana maabane, lehono, le go ya go ile.” Ka mehla ke Yena Lentšu.

²¹⁴ Eupša re nyaka eng? Re ka se nyake mohuta woo wa Mesia. Aowa, aowa. Re nyaka go ba se sengwe boka lefase. Gomme se batho ba lekago go se dira, ba nyaka Mesia yo a tla ba dumelelago ba phele le—le go dira e ka ba eng ba nyakago, le go dira boka lefase le go phela ka lefaseng, gomme ba sa swere boipolelo bja bona bja Bokriste. Nnete. O ka se kgone go dira seo! “Ge o rata lefase goba dilo tša lefase, lerato la Modimo ebile ga le gona ka go wena,” Jesu o boletše. Ee, mohlomphegi. Eupša woo ke mohuta wa mesia lefase le mo nyakago. Ke ka baka leo ba ka se amogelego Mesia wa Modimo. E ka se e dire.

²¹⁵ *Le* ke Mesia wa Gagwe, tlwa, Lentšu la Gagwe ke Mesia wa Gagwe. Mesia yola ka go wena o dira mediro yeo Lentšu le rego

le a e dira. Le tšweletšagape Kriste, gobane Kriste o ka go wena. Bophelo bja Gagwe bo ka go wena, gomme Bo dira feela tlwa se A swanetšego go se dira, boka ka mehla A e dirile; tsela ya go swana A e dirilego, dilo tša go swana A di dirilego, gobane O a swana. Yoo ke Mesia yoo Modimo a mo romelago.

²¹⁶ Mesia lefase le mo nyakago, e no ba go ba dumelela go dira e ka ba eng ba nyakago, gomme ba feta, “Oo, seo se lokile.” Oo, basadi ba go kgabaganya naga! Ba, le a e nyaka. Ya, lena, le be le le. Le nyaka moaparo wa lena wa Mafora le dilo tšohle tše kgolo. Le na le wona. Le na le Ahaba le Isebele ba sebjalebjale, gomme e beakantsé kereke. Yeo ke nnete. Ga ke bolele dipolitiki. Ke bolela Therešo. A le a tseba setšhaba se se no ba tlwa boka Israele? Se dirile selo sa go swana.

²¹⁷ Israele e tlide ka gare gomme ya raka badudi go tšwa setšhabeng sela, gomme ya e tšeа. Modimo o ba file yona. Gomme ba dirile eng? Ba raketše badudi ba setšhaba ntle, gomme ba e tšeа. Sa pele, ba bile le dikgoši tše kgolo, boka Dafida le Salomo. Gomme morago ga lebakana, go tsogile monna, a bitšwago Isebele . . . goba—goba Ahaba, gomme o nyetsé Isebele, gomme o be a le yo mongwe wa ba bannyane ba ba go pentwa difahlego ka mafofana. Gomme, ge a dirile, o be a le yena a bego a mo laola. O mmoditše a dire eng. A ka no ba a be a le hlogo, eupša o be a le molala gomme o mmoditše a dire eng.

²¹⁸ Gomme ge setšhaba se se se sa dira sona selo sa go swana, selo sa go swana! Re tlide ka fa gomme ra lelekela Maindia ntle. Re bile le Washington le Lincoln. Eupša re na le eng lehono, ka go bouta ga rena beng, le dipolitiki le dilo? Re beile tshepedišo, ye re kitimago go tšwa go yona le go dira setšhaba go tšwa go yona mo, re e tlišitše thwi morago ka fa gobane ke kganyogo ya batho. Thwi. Bjale, ga se nna Modemocrat goba Morepublican. Ke nna Mokriste. Selo ka moka se tšhilafetše.

²¹⁹ Ke lahlela bouto ya ka go Jesu Kriste. Amene. “Godimo ga Leswika le ke tla ema, mafelo ohle a mangwe ke kwenamohlaba.” Ee, mohlomphegi.

²²⁰ Bagwera, ga se ra tshepišwa tshepedišo. Jesu o be a ka se be le selo go dira le tshepedišo. Re be re se ra tshepišwa tshepedišo. Re be re tshepišitše (re tshepišitše eng?) Mmušo! O tsena bjang ka go Ona? “Ka Moya o tee bohle re kolobeletšwa ka go Mmušo wo.” Ke Mmušo wa Modimo, Mmušo wa Bophelo bjo Bosafelego, le Kgosi ya Gosafelego e neela Lentšu la Gagwe la Gosafelego, le batho ba Gosafelego ba kgethetšwepele go Bophelo bjo Bosafelego. Yena, Yena ke Kgosi. Re kolobeletšwa ka go Ona, re dutše ka Letagong la Legodimong.

²²¹ “Re hwile, maphelo a rena a fihlilwe ka go Modimo ka Kriste.” Gomme e sego seo feela, eupša, “Re tsošitše le Yena!” Re tsošeditše godimo eng, ka tshepedišong, kerekeleina, mokgatlo? Re tsošitše ka Mmušong wa Modimo! “Mmušo wa

Modimo o ka gare ga lena.” Gobaneng? Ditshepedišo tšohle tše tša madirwakemotho di swanetše go wa. “Nka se sa šikinya lefase gape, eupša Ke tla šikinya magodimo. Gomme dilo tšela tše di sa šikinywegego, ke tše di tla šalago. Gomme re amogela Mmušo, re amogela Mmušo woo o ka se šikinywego goba go šuthišwa.” Woo ke Mmušo wa Modimo! E sego tshepedišo, e sego lebili la dipolitiki, e sego kerekeleina, eupša Mmušo! Amene! Gomme balatedi ba ona ba hwile go ditshepedišo tša lefase le. Balatedi ba ona ba hwile go mekgatlo ye. O hwile go ditshepedišo tše tša dipolitiki, gomme o a phela gomme o tsošitšwe ke Maatla a Kgoši.

²²² Gomme bjale re ka Mmušong, re dutše ka mafelong a Magodimong le Kgoši ya ka Gosafelego, ba ipshina ka Bophelo bjo Bosafelego ka Lentšu la Gosafelego, re ya Legodimong la Gosafelego, go ya go ile go ba le Yena. Haleluya! Go pheleng ka Bogeneng bja Kgoši! Oo, ke a Mo rata. Fše! Ke thakgetše kudu go ba yo mongwe wa bona. Ke thabile kudu go hwa ka go Kriste, ke phela ka Mmušong wa Modimo. Le ga se Legae la ka; re nyaka Mmušo. Re nyaka Kgoši. Re šetše re le ka Mmušong. Re nyaka Kgoši go tla, gomme Kgoši ka pela o tla tla Mmušong wa Gagwe.

²²³ “Gobane re amogela Mmušo woo o ka se šuthišwego.” Dilo tšohle tše dingwe tše di a šwalalana. Amerika e a šwalalana. Europa e a šwalalana. Asia e a šwalalana. Lefase lohle le a šwalalana. “Eupša re ka Mmušong, Mmušo wa ka Gosafelego, O ka se kgone go šuthišwa,” amene, moo Krisemose e lego letšatši le lengwe le lengwe, amene, go phela ka Bogeneng bja Kgoši. Letago! Ga wa swanelo go thankwa ka seo. Ke Therešo, Therešo ya Modimo, Therešo ya go felela ya Modimo. Ke Mo ratela Se bjang! O lokile bjang!

²²⁴ Wena o dutšego fale, o ntebeletše, mosadi yo monnyane fale a rweleko kefa ye ntsho, o ntebeletše. O ka Mmušong, (o a e dumela?) ka Bogeneng bja Kgoši. O sa tšwa go ba le karo ya bothata bja teng. Seo ke therešo, a ga se yona? [Kgaetšedi o re, “Ee.”—Mor.] Gomme seo se be se go tshwenya, se be se go tshwenya; se lebale. Se ya go fola bjale. Gobaneng? Go na le phodišo ka Bogeneng bja Kgoši, ka Mmušong, “Ka gore ka megogoma ya Gagwe re fodišitšwe.” Amene. Amene.

²²⁵ Ngwanešu wa kgale wa lekhalate a dutšego godimo mo mafelelong fale, o bile le diatla tša gagwe godimo, a lebeletše tikologong, a leka go nkhwetša. Ga se wa nkhwetša; eupša o Mo hweditše. Sešo sela se lego ka lehlakoreng la gago, ge o ka dumela ka pelo ya gago yohle, Modimo o tla se ntšhetša ntle. A o a e dumela? Go lokile. Modimo a go šegofatše. Amene.

Oo, a ga A makatše, bothakga!

²²⁶ Gobaneng o belaela? O se belaele. O na le asma, gomme o na le bothata bja pelo, o na le atheraitisi, se sengwe le se sengwe. Le nyaka Modimo go bitša nomoro ka nomoro. Ge A bolela le

lena, yeo ke yona. Feela le se—le se belaele. Le se lebale gore yeo ke therešo. Dumelang Modimo, gomme le tla ba le se le se nyakilego. Amene.

²²⁷ Monna yo a dutšego fa, ka asma, moisa yo monnyane go tšwa Norway. A o a dumela gore Modimo o tla fodiša asma yeo gomme a go dira o fole? Ge o dira, Modimo o tla go dira o fole. Amene. Gobaneng? Go lokile, o ka kgona go ba le yona, mohlomphegi. O be o sa tsebe o bile le tumelo ye ntši yela, a o dirile? Eupsa Mmušo wa Modimo o tlie, gomme re dutše le Mesia, Mesia wa Modimo.

²²⁸ “Gobaneng o e bolela bjalo, ‘Mesia’? Ke eng Yona, Ngwanešu Branham?”

²²⁹ Beibele e rile, “Lentšu la Modimo ke le maatla kudu mmušo e ka ba ofe, le bogajana go feta tšoša ya magalemabedi; ke Mohlathi wa dikgopololo tše di lego ka monaganong, le dikelollo tša pelo.” Ke Mmušo wa Modimo! Haleluya!

²³⁰ “Re amogela Mmušo wo o ka se kgonego go šuthišwa.” A le a e dumela? A le tla amogela Kgoši ge A sa le mo? Gona a re emeng ka maoto a rena gomme re no Mo tumiša, ka pelo ya rena yohle.

²³¹ Morena Jesu, re tumiša Wena, O Kgoši ye Kgolo ya Letago! “Re amogela Mmušo wo o ka se kgonego go šuthišwa.” A nke batho ba Gago, Morena, ba fodišwe, ba eme, ba godiša Leina la Gago le legolo, Tate. E fe, Morena. Eba le kgaogelo godimo ga batho. Re leboga Mmušo wo, “Ka gore ka Moya o tee bohole re kolobeletšwa ka go Mmušo wo wa go se šuthišwe.” Gomme bjale Kgoši ya rena e magareng ga rena, e hlatsela Lentšu la Gagwe la matšatši a mafelelo; pilara ya Mollo ya go swana, Jesu Kriste wa go swana, ka maswao a go swana. Bophelo bja go swana bjo bo bego bo le ka go Yena bo ka Kerekeng. “Re amogela Mmušo.”

²³² A le a Mo rata? A re opeleng ditumišo tša Gagwe, “Ke a Mo rata, ke a Mo rata gobane O nthatile pele.” A re nong go e dira e kwagale. Re fe khote, ngwanešu. Yo mongwe le yo mongwe bjale mmogo, a re e opeleng, *Ke A Mo Rata*, ge re Mo tumiša.

Ke a Mo rata, ke a Mo rata
Gobane O nthatile pele
Gomme a lefela phološo ya ka
Godimo ga mohlare wa Khalibari.

²³³ Oo, nna, a seo ga se kwagale boka Legodimo? Oo, nna! Ke le botša eng, a re kopaneng le badudi ba rena ba Mmušo wo. Ge re sa e opela gape, a re retologeleng go dikologa gomme re šišinye diatla le yo mongwe go re dikologa, gomme re re, “Modimo a go šegofatše, ngwanešu wa ka, kgaetšedi,” ge re sa e opela, bohole mmogo. Šikinyang diatla, lena bohole. Gobane, “Ka Moya o tee bohole re ka Mmeleng o tee,” re dutše le Kgoši ya rena.

Ke a Mo rata, ke a Mo rata
 Gobane O nthatile pele
 Gomme a lefela phološo ya ka
 Godimo ga mohlare wa Khalibari.

²³⁴ Oo, a ga A makatše? Amene. A re e opeleng gape bjale.

Ke a Mo rata, ke a Mo rata
 Gobane O nthatile pele
 Gomme a lefela phološo ya ka
 Godimo ga mohlare wa Khalibari.

²³⁵ Ke ba bakae ba ikwelago go no gohlwa ka kgonthe? A re boneng. Oo, nna! Lentšu ke Sejo sa soulo ya rena. Oo, nna! A re e opeleng gape.

Ke . . . (Modimo a le šegofatše!) Ke a Mo rata.



LEFASE LE A ŠWALALANA NST63-1115
(The World Is Falling Apart)

Molaetša wo ka Ngwanešu William Marrion Branham, setlogong o abilwe ka Seisimane ka Labohlano mantšboa, Nofemere 15, 1963, ka Marc Ballroom ka New York, New York, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org